



90290

滿

頤

類

稿

性餘堂藏板

藕頤外集

總目

別體詩七首

銷夏雜咏詩一百首

銷寒咏古詩一百首

梅豪亭詩一首

三國志小樂府箋註

閒居戲吟箋註

別體文一首

晚香詩鈔一卷

附

總目錄

眼點文一首

三國志小樂府箋註

琳豪亭情一首

銷夏雜咏詩一百首

眼點文一首

總目

藕頤外集



藕頤類稿目錄

卷一 詩五十五首

古體詩一

送鮑秀才之倩遊泰山

上邪翁愚亭

長相思

君馬黃翁愚亭

樹中草

北門行翁愚亭

青溪曲

孤兒行翁愚亭

猛虎篇

古意翁愚亭

塞上曲

送別曲三首

讀曲歌四首

古意三首

藕頤類稿 目錄

楊花詩四首

柳條長翁愚亭

黃鸝飛

車如流水翁愚亭

馬如龍

晚步

送徐翁愚亭

松化石歌

發上海

賀張丈遂穎必達六十生

子翁愚亭

夜宿分龍嶺

寄方竹圃達

江行懷翁愚亭立準

烈婦詩三章一

上巳日答丁星樹珠

祝阿垣詩五十韻

翁愚亭立準三十初度作

長歌贈之目錄

佛光寺送王獻超輔世倩

入城兼東瑜上人

二喬曲

題袁毓瑾

青荷鋤圖

病起寄張春圃

振珂

讀春秋

金

讀左傳

公孫贊

讀漢書三首

常熟沈節婦詩一百韻

王節婦詩

北

懷友篇志小樂府二十四首

泊青溪喜遇田倬千

嘉穎

偕丁星樹

珠

劉竹泉

斯經

張春圃

振珂

集方竹圃

達宅

送翁愚亭

立準

入都字噴魚贈琨

玉

廣教寺

震榮

戲作看山吟

山卷二

長

古體詩

二

藉頤類稿

目錄

二

次程廣文

楷

孔廟陪祭三十四韻

二

山行

楷

借鄭紅泉

煜

倪春圃

廷模

周篔簹

震榮

琨霞川

玉

集霄漢樓分體得七古以江上

數峯青爲韻分得上字卽席賦

遊潛岳一百韻聯句

吳

紀行詩一百韻

吳

讀三國志小樂府二十四首

吳

求拜職

召外兵

陳

陳元龍

王

吳蜀亂

中郎死

荀

荀文若

孔

孔北海

王司徒

公

公孫瓚

袁

袁公路

溫園會

張

張君嗣

曹

曹孟德

一丸藥

劉

劉公幹

巴

巴橫島

鐵

古意

過濟寧喜遇周書昌

明經時脩州志卽席作

同謝

韻

東翁愚亭

妾薄命

雜詩九首

卷三

題張文

喜觀古體詩三

寄顧妙臺

白頭花燭歌

題安儀甫

贈涂丈長卿

贈翁虔曾

贈周北垞

題坦如兄

圖

寄潘陶村

藉頤類稿

目錄

三

圖

圖

匣中篇贈俞次山

兼柬戴遠山

次韻贈毛初文

塔瓦行爲毛榕坪

題王傳岩

題劉桐引

喜逢張稼善

桃林泛舟圖

題沈佑江

題張友仲

酬施鳴墀

兼題松陰濯足圖四十四韻

題丁

次韻酬胡鏡珊

遠游曲

出北門作

將歸東謝

山居

卷四

古體詩四

送楊宿台

星耀

北上

南將軍歌

友人夫婦同日生贈之以詩

酬喬檀園

鍾沂

四十二韻

次韻酬凌香洲

象賢

遊天寧寺疊前韻

再疊前韻

九日彥補齋

圖

招遊圓證寺三十六韻

題楊竹堂

大鵬

湘帆吟卽次其題壁韻

醉歌行留別賈樓村

檀

輓朱凝台

霞

四十六韻

輓武虛谷

億

兼柬趙渭川

希璜

八十四韻

藕頤類稿目錄

四

大醉書盧仝月餽詩後

書溫飛卿傳後

遣嫁詩送四女五十八韻

華嚴菴集飲柬張雪鴻

敬

輓張雪鴻

敬

張雪鴻

敬

山水幅子爲方

厚堂

惟寅作

苦旱詩

任

登彥

有旱問詩二律廣其意成五言古詩一首

次韻答馬雨耕

春田

二首

五雜俎八首

秋夕

大

題武虛谷

億

摹石遺像

輓方芝稼

裕曾

題號國夫人上馬圖

寄吳雲樵

月重輪行

卷五

今體詩一

指佞草

金山作

宿金山作

送姚諶伊

支莘

回桐城

塔影園元夕作

六朝松

山居

報恩寺塔

遊仙詩二首

柳絮詞三首

詠夢十一首

登樓

賦得江漢朝宗

下第後同鮑步江

阜

陳荆

南夢湘

劉企三

漢

范凌蒼

雲鵬

顧景岳

宗泰

陸璞堂

伯

焜

登燕子磯絕頂分韻得弓字

東企三

藕頤類稿目錄

五

用前韻贈劉企三

再柬企三

疊前韻酬企三

余將就婚留別企三疊前

韻

抵皖後疊前韻

壬午十月初二日舉蒙詩二首

寄張若霖

謝

疊前韻二首

偕內子祭外舅姑二首

輓張

月

山行過菩薩菴

五顯廟示僧廣志

村居二首

九日同仲兄作

贈張文犀亭

慕聯

乙酉冬日過吳門訪劉企

三

漢

已歿屋歸他氏妻攜幼子歸母家感賦二首

焚書

漢高祖四首

蔡中郎

閒坐

題韓集後

題白集後

孔北海

舟中九日

留別吳淞諸子

客况

出許墅關

旅思

送麥蘭堂

淳回嶺南

贈朱浩然

之孟

題仲兄觀我圖

酬毛初文

孝光

題張曲江感遇詩後

塞上曲

卷六

藕頤類稿 目錄

六

今體詩二

寄路燕五

桂

寄江

臚元

兼呈德幹甫

唐慶

四十韻

答汪

琳二首

檄欖

贈盧叔諧

謨

漫興

敝衣

高茂才

煥章

善反切學詩以贈之

調謝似山

祖惠

芍藥二首

題菊花二首

過安定書院

有客

秋日山居

九日

落葉

抵家

贈老者

閒居

巴河

飛雲洞

浴湯池

爲王善則改名

發昆明時大姪象巖尚在

永昌

天長口號二首

雪

雨

登菩提菴小樓

酬閻鑑波其淵

閒居

草菴

客况

汜水渡河

題友人竹下小像

西湖看梅花

藕頤類稿目錄

七

西湖

遊白雀寺

晚秋

西湖竹枝詞二首

鴛鴦曲

寄丁雙湖壽三十二韻

偶作

暮春

改名後感賦四首

寄內二首

詠史四首

西湖憶徐七山恩濶先生

泊胥門

戲寄陳芝房毓威

次吳廣文安世乞菊韻

用前韻贈謝祖惠

用前韻答吳安世

再答吳安世三首

用前韻送人之桐廬

醉漢吟二首

留別陳芝房

謝咸

泊皖口

抵家口號

五十初度

家居聞象階赴上海

詠琥珀

村居

秋日詠藕

看迎主司戲作

賦得知人則哲

耳聾

口卷七

示寒今體詩三

藕頤類稿目錄

八

示象階二首

晚春

口占

憶海棠

次朱韻

遊大伾山次朱凝臺

民山行韻

濬縣曉起示

喜晤朱次見贈韻二首

玉節婦詩二首

蓮花菴

移居詩四首

壁間方子雲韻

集家柱卿

贈檀默齋

莫愁湖四首

苔吳婿

遊鍾山寄方芝稼

首 卷八 老將次涂松岩 長發韻

次韻答方光遠 裕會 用前韻贈方青渠 遵泰

蓮花菴次牧野韻 贈 題崔筠谷 瑤畫

崔筠谷於乾隆庚申年作長江萬里圖既而失去嘉慶

庚申于肆中見之以二金買歸索題

次趙渭川 希璜 鄴中脩禊韻三首 叙文

息影軒次蔡只山 元春 韻 韻 題小照

朱文谷 家濂 座上瓶菊盛開 題寒鼓香 西隱同

漫興 次孫畫軒 延昌 韻 十鼓

次孫 延昌 留別韻 憂旱詩 尚 圖

藕頤類稿 目錄

九

聞陶茂君 廷堉 病歿 題友人倚竹圖

李俊文六十壽詩三首 次吳璧成 聯英 四十述懷

韻四首 題家楚香 之垣 西湖同泛

圖 題 題 之垣 柳陰小照

過黃河口占 甲子除夕

秋夜 中 贈賈約園 湘 二首

疊前韻酬賈約園 湘 三首 盆中紅梅盛開

除夕次賈約園 湘 韻 元旦次賈約園 湘 韻

曉行 送孫竹隱 貽謀 赴紅廟

懷宗尺遺 士錡 喜四婿吳 拭 至

思歸

二姪象莊赴蜀

詠白頭翁

初度日酬賈約園

望雨詩次任登彥

疊前韻答任登彥

陪賈約園湘

賈約園湘許贈序久不至

詩以促之

聞賈約園湘有寒疾寄之

以詩

題畫菊花

卷八

今體詩四

次吳雲樵學士芳培半畝園雜興詩韻三十二首

閒居戲吟八十首  
自題竹林獨坐畫像

藕頤類稿目錄

十

寄方竹圃詩

自嘆

卷九

詞一

沁園春題上海朱凝臺倚桐看月圖

又 詠愁

又 前題

又 詠髮

又 贈芝房

又

又

又

又 酬王復齋

又 飛絮影

又 落花聲

金縷曲題吳漢槎秋笈集後

又題友人梅花村詩卷

又題陳芝房紅豆莊詩稿

又題張二橋湖山泛月圖

又題王東臯采芝圖

又題張留山遊草

滿江紅 次陳芝房韻

又字木蘭 感友人畫象

又大風雨作

又贈王東臯 謝寄之文惠

又留別楊亭舫

又泊楊子寄喬璞園

百字令 追次彭美門長歌

韻 韻

又前題 韻

天香 入卷中宋畫齋韻

壽樓春 韻

又漁泉 韻 鏡 照 小照

徵招 贈陳鑑堂

瑤花 符離道中

水調歌頭 自題竹林獨坐

藕頤類稿 目錄

十二

畫像

摸漁兒 題鏡珊小照

飛雪滿羣山 酬周篔谷

庄圖 次卷中宋維藩韻

又題王述菴先生三泖漁

更漏子

長亭怨慢 詠楊柳

十六字令 寄香齋韻

婦人嬌 題雙姬倚立圖

唐多令 送王傳岩之安慶

賣花聲 送呂星餘之四川

減字木蘭花 題友人畫像

南鄉子 途舊伶袁二

閒申好 韻 韻

風入松 題羅信亭像

曲江秋 詠自鳴鐘

拋毬樂 翁晴江新婚

生香子 詠竹 韻 韻

南歌子 除夕大雪

浪淘沙 送李賓之

赤棗子

又

又

又

又

又

又

又

又

字木蘭花 八月十二夜月 又八月十三夜月

又

落梅

一點春 柳如是墓

又

深院月 十二月十五夜月

又

咏鱒魚

又

花朝曲

又

前題

又

元宵曲

玲瓏四犯

贈賈約園

桂殿秋

藕頤類稿 目錄

主

又

又

渡河

又

寄吳雲樵

又

過野菴

又

雨

減字木蘭花

詠梅

又

宴桃園

十二月十五夜月

女冠子

燈花曲

青玉案

城隍墓

減字木蘭花

八月十二夜月 又八月十三夜月

鶯啼序

補遺 羅噴曲 金縷曲 晝夜 樂搗練子 虞美人

卷十

詞二

祝英臺近

菩薩蠻

應轉曲古自序

憶王孫詩自序

步蟾宮入集序

又良賒酒自序

又歐陽文忠公集序

又孟谷詩集序

又與蘇詩自序

小篆子詩自序

采桑子詩自序

蘇幕遮正音詩自序

酷相思數語詩自序

玉闌干詩自序

後庭花數語詩自序

玉樓春詩集序

邁陂塘詩集序

瑤花文數語詩自序

滿江紅詩自序

洞仙歌詩自序

小秦王詩三十二首

藕頤類稿目錄

三

卷十一

序一

汪梅湖詩集序

二家文選序

四家詩選序

李嘯村詩集序

半松軒遺詩序

功過格序

吳氏詩存序

養竹圖五言詩序

星硯齋詩序

詩經證讀序

田烟村遺集序

武虛谷詩集序

四十賢人集序

銷夏雜咏自序

銷寒咏古自序

藕頤類稿自序

卷十二

序二

韓氏家譜序

送勞竹如序

送葉教授序

留別賈樓莊序

送鄭六亭序

送丁書昌序

送支寶傳序

贈趙龍翰序

送張亮功赴魯山序

送呢鎮台移鎮鄖陽序

贈檀默齋序

寄贈方竹圃序

寄贈釋智圓序

江寧孟氏家譜序

卷十三

藕頤類稿 目錄

序三

十四

百九翁壽序

余母八十壽序

王孺人壽序

陳母壽序

孟龍溪八十壽序  
徐端臣七十壽序

王母八十壽序  
張恭人六十壽序

紅雪山房詩序  
秋山草堂詩序

壽樛堂詩序  
袁君詩序 竹香樓詩序

卷十四

序四

家譜小序

潛山縣志小序

家譜小序

卷十五

卷記

先高祖父母畫像記

宣家塘殉節記

義塚地記

駱介亭鄉舉記

四逸圖畫像記

遊燕子洞記

朱凝臺畫像記

葛孝子廬墓記

張孝子墓圖記

塘主事自盡記

謁方靈臯先生祠堂記

王匏園畫像記

魯山縣祭元墓記

越南從征記  
王秋草堂記

卷二十六

王際文傳

二吳傳一

徐孝子傳

荀璜傳

王言溪先生家傳

藕頤類稿目錄

五

劉從瓏傳

馬世杰傳

二吳傳一

徐孝子傳

邢福姐傳

王烈女傳

王烈婦傳

王孝姐傳

王孝姐傳代

陸孺人傳  
老藕傳

卷十七

蔡紫岳先生  
徐七山先生  
孔歷九先生  
姚提伊

傳二

蔡紫岳先生  
徐七山先生  
孔歷九先生  
姚提伊

師友小傳

蔡紫岳先生  
徐七山先生  
孔歷九先生  
姚提伊

孟幾園先生

蔡紫岳先生

陳馮原父

姚提伊

翁愚亭  
朱期仲

喬檀園  
朱凝臺

劉企三

方容若 路燕五

劉竹泉

張正何 德一邨

張立齋先生

張雪鴻 陳芝房

桂崑陽

孟非龔 張嗣翰

徐敏糕

陶茂君 王懷青

李東川

潘蘭如 楊遜齋先生

張靜庭

楊亦亭 劉儒傳

馬培禾 羅星亭

王曉岩

王曉岩

藕頤類稿 目錄

南岳辨

皖辨

喬公辨

大伾山辨

禹治水辨

黎辨

詩傳辨

黎陽津辨

臣瓚辨

黎陽青泥辨

志不立傳辨

朱翌非懷寧人辨

卷十九

論

佛論

范增論

蔡邕論

邵康節論

佛論

佛後論

離合論

讚

張雪鴻畫石讚

興字解

我字解

百姓解

文考

子冠子考

偽書考補

周禮訂義跋

題郭璞傳後

書劉若木傳後

受祺堂集跋

柳文蕭集跋

劉文靖集跋

百卷二十

與王東臯

復汪銳齋

書事

興字解

將字解

莫愁湖解寄李瘦人

文考

安慶府城考

書夏貞女傳後

異域瑣談跋

書向平傳後

書夏貞女傳後

建炎以來朝野雜記跋

韓魏公集跋

趙文敏集跋

劉海峯論文偶記跋

莫愁湖解寄李瘦人

與陳芝房

與陳芝房

與陳芝房

藕頤齋

十七

書海壯武軼事

先君軼事

賦贈啟一益

慕脩炎帝宮啟

慕葬孫定齋啟

韓學博六十壽徵錢啟

代人求婚啟

慕脩圓室啟

賀人啟代落梅詩啟

墓表

岑君墓表

王君墓表

保母墓志

贈文林郎蒙自縣知縣張君配程孺人權厝志

祭文

祭楊宜人文

祭河內縣城隍禱雨文

祭懷慶府城隍禱雨文

藕頤類稿目錄

丈

祭龍潭取水文

祭懷瀆廟禱雨文

祭關廟禱雨文

求晴文

祭朱竹均先生文

祭楊宜人文

祭顏巡撫文

御文村根紫白湖映濕文

外集七種

別體詩七首

銷夏雜咏詩五律一百首

銷寒咏古詩七絕一百首

梅豪亭一百韻七古一首

三國志小樂府箋註

閉居戲吟箋註

別體文一篇

晚香詩鈔一卷

香齋詩苑傳事

香齋詩苑傳事

藕頤類稿卷一

古體詩 吳三天子都松五大夫封吳中士作遊子五嶽遊自此

始

送鮑秀才之情遊泰山

吳三天子都松五大夫封吳中士作遊子五嶽遊自此

始

劉企三曰似古歌謠用歷陽山銘在升菴送余學官歸羅江詩之上

上邪我欲與君相知長命無別離舟無楫馬無足雙車

輪一夜生四角九州在一郭與君相知樂莫樂

長相思

藕頤類稿卷一

長相思

長相思摧心肝美人贈我青琅玕朝夕佩之雲裾間因

風恍惚思君顏欲往從之行不得况君乃在南山之南

北山北春花蝶黃秋風乍涼流光徘徊我心憂傷君知

之我心長相思

姚諶伊曰太白神境

君馬黃

君馬黃臣馬黃二馬相較君馬良君馬善走臣馬善蹶

君馬日走無休歇君馬雖善走母使精力竭路上崎嶇

行不得



樹中草。萬物寄宇內。飄忽如電掃。如何空桑中。寄生樹中草。老樹尚婆娑。柔條已枯槁。譬彼百年身。不見天地老。寄居生湖濬。負殼傍秋潦。感此草虫心。傾壺一醉倒。

北門行

出北門。塚連連。吁嗟昔日皆平田。吁嗟昔日皆少年。落日照塚風凄然。天昏且黑坐不覺。寄父母前。春風狂雨。鴉田。兩用。呼嗟昔日他人未敢。母前。感不暇雨。

青溪曲

青溪淺淺。青溪深深。小姑獨立。月出當心。

藕頭類稿卷一詩

二

喬檀閣曰古歌日出當心只易一月字而風神自別

孤兒行

孤兒生。孤兒遇生。命當獨苦。不得在父母前。淚下如雨。解一雨落在地。不得上天。孤兒遇生。不得在父母前。解二春從何來。蛺蝶雄雌兒。在盛年。地下父母知之。解三去日苦少來。日苦多。父母不待。當奈此孤兒何。解四

毛初文曰得古樂府之神

猛虎篇

北風以寒。虎翼而冠。獸不歡。解一樵歸逢虎。長跪以請。身如束柴。得母骨。解二解衣大慚。食貧以老。不料饑軀。



與郎看蚕繭團團手中見外邊何纏綿中間日日變

四

蓮花生江邊蓮葉照江水郎貌如蓮花妾心是蓮子

古意

種樹不種瓜瓜熟多採摘種花不種柳柳大多攀折

二

地上栽豫章兩木不相辨天上看參商兩星不相見

三

蒲葉何青青菱葉何纂纂同在水中生各自有長短

藕頤類稿卷一詩

四

朱期仲日愈質愈古

楊花辭

梅早芍藥遲花落俱有時楊花有道心生小不戀枝

二

井桃笑阿儂只在風裏住待到花落時也是隨風去

三

春暮花復殷狼籍委荆棘楊花長隨風不會變顏色

四

嫋嫋太堤邊垂垂闌干上楊柳本變風莫怪花飄蕩

賈約園日脫盡窠白

柳條長

柳條長。春光短。折柳送郎行。離思春江滿。帆盡水漫漫。郎行何日還。大堤落日春江寒。

黃鸝飛

黃鸝飛。白蘋老。江南五月時。晴波漾芳草。蘭橈載郎去。送郎芳草渡。佇立日西斜。烟昏岸旁樹。不見郎舟向何處。

車如流水

車如流水。車上人如流水。人心不平波瀾起。人老難奔趨。車敝難轉軸。逝者如斯夫。車與人俱不如。

藕頤類稿卷一 詩

五

馬如龍

馬如龍。馬不如龍。日行地上泥土中。我行日暮匆匆背。汗足繭心慵。有馬真如龍。

方容若曰音節逼古用筆似獲麟解

晚步

閒居忽不樂。散步歷郊畛。落日人影長。兩過溪聲近。何時謝塵鞅。遠訪青門隱。

凌叔子曰落日人影長眼前景無人道過

送徐

昔子居吳門。而我在白下。吳門烟水昏。殷憂何處寫。今

我來吳下子。乃遊白門相。送復相望白門烟。水昏驛路  
迢迢春色暮。落花滿路紅無數。君到白門應憶儂。是儂  
昔日思君處。

陳茹征目如環無端筆墨入化此種詩全以意勝不  
落空調

盛袖堂曰張承旨重峰送別詩云君家重峰下我家  
大溪頭君家門前水我家門前流得大白筆意此詩  
力更大而思更深有過之無不及也

松化石歌

我去古人日以遠。青松猶餘太古色。天公恐太古一去  
不復返。乃使青松生我屋之側。松鱗之而成老龍。昨日  
入我午夢中。爲言近日苦不可耐。子在鄰舍不知我心

藕頤類稿卷一詩

六

胸日出人心險。詐僞紛百端。日息心不息。晝夜空悲歡。  
人心不如古。我有古意徒辛酸。羲和翻日車。照見人心  
肝。朝朝勞苦如轉丸。可憐歲月留不得。桃李春雨摧芙蓉。  
西風折四時。歷盡忽不悅。同根希媚世。化作茯苓與  
琥珀。我心多莫頑。欲化冥頑不靈物。我聞此言涕泣下。  
惟我知君老而貞。願緩須臾死。使我屋側多光榮。雨颯  
颯風輕輕。剝剝啄啄打門聲。我夢欲醒語不盡。老松無  
言怒已甚。醒來松怒果不息。化作鄰鄰一片石。

葉方宣曰具勝人力生奇物想才情奔放不可羈勒

遊子乍行役。高堂淚沾臆。行行數十里。雲樹忽昏黑。須臾風雨來。岸人皆變色。榜人稱最能。幸免蛟龍得。高堂知未知。一夜空反側。

賀張丈遂穎

必達

六十生子

珍簾夏室清。暑宴塵紛闕。獨靜倚闌干。開襟睇星月。長庚來人間。今夕佳夢叶。東方朝暾開。門多長者轍。璇驪載有源。咸看風徽結。廣額稱豐頤。眸子奧而徹。他年七十時。鸞鶴應相列。我來歌唐兒。還須看醉纈。

夜宿分龍嶺

腸中車輪轉。足下車輪歇。暮宿旅店中。西風何凜冽。繩床看僕睡。敗槽聞馬齧。颯颯紙窗聲。起來望秋月。

藕頤類稿卷一 詩

七

寄方竹圃

達

方生苦讀書。夜諷常至卯。三年不窺園。塵俗謝紛擾。堯舜禹武湯。日日事蒐討。牛腰千卷多。馬磨三間小。歌聲出金石。形容已枯槁。今年遭父憂。滿身衣素縞。淚下如綆縻。痛來時絕倒。我生亦多故。怖如傷弓鳥。時時問訊君。聞之傷懷抱。古來澹蕩人。坎坷才愈老。所以達者言。科名不欲早。君本禮樂身。能勿憂悄悄。越禮固踰閑。戒性亦非道。寄語寧居人。不貴身自保。

江行懷翁愚亭

立準

我昨漾小舟柔櫓至京口。今日乘長風大舶破浪走陰  
雲。蕩落暉江光入杯酒。臨觴忽不樂。憶我故鄉友。槐黃  
舉子忙。曾至日下否。何時酌滿卮。詩義共彈紉。

烈婦詩

穎州馬氏夫死自經後夫蘇鄭南溪先生

時慶

徵詩爲賦詩二章

結髮爲夫婦。感君親結褵。可憐自首願。中道相殘摧。妾  
彈寡女絲。妾歌華山畿。彈琴不成聲。獨活爲誰施。君身  
如朝露。日出何易晞。妾身如蜉蝣。生死願相依。那知冥  
漠中。泉路還相岐。夫生妾死後。妾死夫死時。妾死非倉  
卒。生。死。那。可。知。但。得。良。人。生。妾。死。無。怨。詞。

藕頭類稿卷一 詩

八

朱凝台日纏綿婉曲樂府遺音

二

昨夢神官與我言。陰府一事堪流傳。穎州有婦代夫死。  
上疏痛哭聲潏然。妾髮初覆額。十五嫁王昌。地上連理  
樹。水中雙鴛鴦。那知白首願。忽焉中道殤。夫死妾亦死。  
痛哭摧中腸。夜臺相追逐。泉路何茫茫。妾死夫不生。妾  
心更慘傷。豈無同穴思。何以慰尊嫜。桃生露井上。李樹  
生桃旁。蟲來嚙桃根。李樹代桃殤。桃李尚如此。况妾死  
綱常。此疏若不許。妾敢爲厲殃。生不見上柱國。死不畏

聞羅王。王聞此言聲怒號。鬚如蝟磔睛如貓。爾何女子  
敢至此。傳呼欲下五尺刀。鬼伯妖露角鬢鬢。萬象閃屍  
聲紛囂。再三窮詰色不懼。乃知此婦真堅牢。玉乳救轡  
聲蕭蕭。烏紗白簡鴨色袍。須臾空中傳睿旨。詔許此女  
代夫死。可憐送夫淚洒向重泉。裏生離死復別。此恨何  
時已。君如空中雲。妾如泉下水。泉水長沉淪。空雲去如  
駛。新鬼故鬼皆掩泣。此婦激烈胡至此。此語非妄君休  
驚。不然何以婦死夫復生。丈夫與相不若筆與墨。徒使  
誤企。晉曰雲垂海泣石破天驚。可以方其詩境。

謝景正己日答丁星樹

珠

藕頤類稿卷一詩

九

嬌兒甫一歲。周晬當上巳。翩翩刷翠眉。崢嶸頭角起。坐  
設青攢瑜。文祿紛紅紫。親衆咸來觀。問兒何所指。我家  
無長物。金玉非所擬。不設戈與印。不設筆與紙。我幼愛  
文辭。憂愁自此始。欲兒何所如。試將古人比。莫如李亞  
子。門鷄小兒耳。莫如孫仲謀。臣魏吾弗喜。莫如楊德祖。  
亦爲阿瞞使。莫如孔文舉。好客費酒醴。添丁長無稱。袞  
師空秀美。小時都了了。大則無可紀。東家殊逼人。貨殖  
傾鄉里。洗削致千金。擊鐘馬醫氏。嗟我困鄉國。飢來欲  
乞米。兒長能貨殖。而翁貧自止。取彼貨殖傳。敬以置筵  
几。他年如東家。亦足光祖祀。作歌示君君。勿鄙君。亦有

才貧至此。

程魚門曰神似梅村詩又賦我字癖於宅風采豐貴

祝阿垣詩五十韻

花發桂之樹阿垣初生時匹練飛上天歲星不見之  
無與風丁夙慧非虛詞八月能學語一語解衆頤面方  
乃如田皮妍骨不癡今年當齟齬竹馬稍能騎炯炯明  
秋眸雙雙刷翠眉偶聞剥啄聲自起開筵籬長跪復三  
拜見客修容儀飛胡不肯笑艾吃不肯嚼父憐母更惜  
膝坐無暫移可比忘憂花可比蠲忿犀我兒名蘇七但  
覓栗與梨虎犢較優劣相去如倍蓰我愧玉局仙三蘇

藕頤類稿卷一詩

十

難並馳斜川小東坡寧數迺與遲吾兄雅好古墳典窺  
黃羲少年嬰痼疾磨竭相侵欺往往不斟疾心血嘔新  
詩抱璞無人識憤懣歸茅茨勢將燒筆硯歸農耕町畦  
兒學亦無益不如荒于嬉我意殊不然不學如行尸我  
聞玉溪生美秀誇衮師他日對客言長貧學恐遲况我  
出門久所見殊堪譏兔園挾半册行步不可離絕字那  
得識郊居悞雌霓田地多昭熱送芋驚蹲鳴更喜拾癡  
符噉名餅充飢槐黃舉子忙鄭白幾受笞不知堯與舜  
安問周與伊真是麒麟楮又如没字碑作字成弄響負  
腹嘲黨姬署名指屋角運筆逆畫錐我家世清白家集

多品題。近來貧太甚。自恨門祚衰。但祝阿垣貴。好官光  
門楣。宰相讀書人。俗吏不可爲。阿垣聞我言。開戶還下  
帷。十年不窺園。一句必析疑。一月讀一箱。萬卷可預期。  
藏書盡能讀。勿使一字遺。更爲借荊州。還時酒一甌。歲  
月真拾瀋。光陰如噬臍。少壯不努力。老大徒傷悲。我言  
殊有本。慎勿厭家鷄。不觀杜司勳。長篇祝阿宜。

又周篋谷日兩遲字兩意昌黎郾城聯句兩藥字亦然  
日暮翁愚亭立碑三十初度作長歌贈之

翁生家在皖江側。盡捲秋濤入詩筆。興來豪邁殊絕倫。  
醉後雄談岸巾幘。有時閒臨張伯英。酒氣沸沸十指出。

藕頤類稿卷一詩

十一

縣弧之辰十月交。良朋宴集羣相邀。座中惟我年最少。  
婪尾不厭金卮倒。相與大醉盡狂叫。我聞至人罕言命。  
日者之術不可信。陰陽家流真荒唐。君子豈以窮達論。  
又聞磨蝎身。宮與命。宮坡公却與韓公同。翁生謗譽亦  
相雜。得毋月宿亦在斗南中。命之有無誠渺茫。但須飲  
酒毋較量。醉後神氣何洋洋。開軒睇望星煌煌。起來三  
拜向北斗。下界蟣虱之臣挹酒漿。從來醉後無拘束。况  
乃翁生今日開壽觴。男兒豈欲干富貴。但願箕口神靈  
停簸揚。

方綺園曰氣勢雄健用古有筆

佛光寺送王獻超輔入城兼呈瑜上人

亂山環客夢。一夜泉流響。曉禽亂初旭。雲物自昭朗。山  
居多歡悰。禪味更欣賞。支公雅愛才。談笑話疇曩。飄風  
吹衣裾。送客歷荆莽。乘興且近尋。登攀發高想。嗟峨天  
柱峯。飄忽翠微上。噉瀑雪千尋。晴光下夷壤。茲遊諧素  
心。生平屐幾兩。前山殊未遙。何日策杖往。

題袁毓瑾青荷鋤圖

向夕罷農事。沿山步幽境。白雲屯孱顏。爽籟叩虛牝。放  
神歸荆扉。延目睇霞嶺。輕風襲衣袂。月出見鋤影。曰余  
慕岩耕。披圖愧勝引。馳驅笑纏牽。貞脆感松困。學道非  
噉名。歲月如拾瀋。那有負郭田。息此塵外軫。

藕頤類稿卷一詩

七

病起寄張春圃振

振

病起寄張春圃

颯颯紙窗鳴。寒疾處帷幄。長須尋醫來。衣冠殊整妮。昌  
陽可引年。阿膠可止濁。服藥委頓眠。但覺汗如濯。是如  
文殊草。頓令一宿覺。起來坐擁食。几硯塵埃撲。我病非  
老年。肌膚似霜剝。筋力賴飲食。門下休論駁。霜螯尙可  
持。笑彼悞勸學。甘味置兩頭。盤飧豈厭數。憶我幼年時。  
才華稱總角。高吟八夕詩。自謂懷金璞。思敏但掌箋。文  
遲笑求樂。豈料遭艱虞。何會一賦較。沉鱗怨暴腮。寄居  
空負殼。青春去堂堂。對人羞齷齪。食粟類曹交。飲酒似

畢卓安穩肺與脾昏昏過聊朔故人在京華手掬何由  
握努力策要津功名望騰踔意歸口不精  
麟經斷朝報盲史相斫書聖經與賢傳侮慢何其愚公  
羊與穀梁乃謂皆姓姜反切起西域此語殊荒唐孔子  
行夏時師友閒講論不謂胡康侯乃以冠周正改日不  
改時不周復不夏說經不求據臆斷胡爲者東萊博議  
書爽朗有奇趣若論左功臣卓哉杜武庫尋晉論贊此  
讀左傳

或以相斫譏或以孤學稱不料左氏傳乃以圖讖興蒼  
藕頤類稿卷一詩

龍生大澤火德豈堯後底怪譜學家遙遙有華胄與養

讀漢書

淮陰昔未遇道逢惡少年吁嗟一富貴賤辱皆能傳一  
飯必報恩國士無兩可拙哉笑蒯通辨口論乞火韓  
荆卿既以死壯士皆心慄獨有報韓人博浪擊秦帝殺  
人士步間以力不以智不中固可惜中亦非奇計道逢  
黃石公授以枕中秘黃石乃儒書撥亂反掌易漢王耻  
言儒洗足會罵詈子房識時務稱述有深意絕口不談  
儒投合見經濟奈何後世人疑作神仙類韓

光武起田間。列宿皆相從。昆陽一大戰。草木生英風。威  
斗不自衛。一旦焚三宮。從來謹厚者。乃是真英雄。

常熟沈節婦詩一百韻

海虞舊族世澤貽。沈君生小東陽羸。讀書攻苦日下雌。  
清河有女古淑姬。命家上門結衿褌。人倫恒咸稱首基。  
青燈佐讀軋軋絲。良人染病侵肝脾。盧火劉冰皆不治。  
安得竒貶和緩醫。朝夕禱頌求神祇。旁及羽士兼伽毗。  
碧翁翁處。天光垂玉樓。再造無好辭。賀語太澀。天眷移。  
天速見。召行無遲。高車隱隱。襍桂旗。時不能待。五斗炊。

藕頤類稿卷一詩

古

才人一旦歸。乳堦誰其歌者。華山畿可憐。獨活爲誰施。  
堂上有親室。有兒朝夕甘旨供。盤匱婦兼子職。夫何辭。  
鳳雛失母將母痴。古人有言爲衮師。母兼父職嚴且慈。  
昔爲佳婦。今母儀。昔爲佳婦。今則嫠。含辛茹蘖甘如飴。  
身雖不健。家能持。艱難委曲。身獨仔。遺孤翩翩。刷翠眉。  
桃花醜面如凝脂。讀書朝誦夕不遺。一月一箱。村阿宜。  
傳經紗幔誰敢違。有客忽笑生計非。伊伊吾吾。夫何爲。  
不如興生規。魚陂水居。于石鱗之。而不然。買馬走邊陲。  
谷量啼。躑齧且嘶。江南薑桂。丹砂犀。千里往來。如置碁。  
載往他縣。人夥。頤牙籌。自握窮銖。鐺腰纏百萬。皆朱提。

盛賈之樂不可支。在昔聖人且就時。逐時居貨齊。鴟夷人棄我。取周白圭。巴清巾幘家。不貲懷青臺。成聲名。馳東家。腐儒無卓錫。生平大言謾。負奇腹中雷。鳴常苦飢。北風颯颯寒無衣。今日不悟來難追。母聞此言驚且悲。人生富貴各有期。父書不讀旁人譏。古語不學如行尸。屬兒謝客毋欸扉。不學無術言無稽。此客再至吾汝咎。嗣君感激淚纒縻。家有園林不敢窺。三墳五典窺黃羲。季鍛月鍊工切劘。文壇樹幟爭雄雌。筆端多力稱虎斯。文不加點醇無疵。行成名立靈萱萎。中夜起泣還思惟。小草何以報春暉。臚陳懿行求標題。文章鉅公太筆揮。高文矮紙薄赫蹏。琳琳瑯瑯何紛披。會見紫綈盤蛟螭。下及閭閻揚幽閨。十丈綽楔當通達。我昔曾遊琴川湄。虞山秀色絕世姿。振衣展謁吳公祠。先賢文教今不衰。不惟文敷天下推。閨閣亦復傳芳徽。我別虞山長相思。十餘年矣迄於茲。故園裹足守茅茨。偶然南望心依依。耳聞芳躅心神怡。山肩高聳捋吟髭。徒四壁立惟吟詩。我雖不文言非卮。節母有靈靈其知。此詩能慰請勿疑。試請拉雜摧燒之。

藕頤類稿卷一詩

五

陶茂君曰抽妍不盡出奇無窮正如淮陰之師多多益善囊沙按幟辟易萬人視他人作節婦詩非腐卽窘者有類臣吟

王節婦詩

金。耶。石。耶。松。耶。栢。耶。大。夫。士。耶。商。女。子。耶。解一江有鴛鴦

日為匹雙。雙栖未久。拚飛其雄。解二其雄既飛其雛奈何

雛分飛飛。母勞則多。解三母氏劬勞淚下如雨兒今有兒

兒無父母。解四簫鼓闐闐。彤管煌煌。樹之風聲。母名則揚。

解五金石其質。松栢其心。閨閣有人。以式江南。解六

昔我同門友。送我長亭前。攀條歌驪駒。執手淚濺濺。驅

車大路上。楊柳生路邊。柳色自依依。客心何凄然。豈茲

越鄉感。但賦懷友篇。

李虹山日篇如未完而神理已足

萬願類稿卷一詩

泊青溪喜遇田倬千嘉穎

欲雪不雪雲。頽癡樯影櫛櫛。風絲絲。銀燈斜倚。碁半局。

革囊酒齊傾一卮。僕夫忽報故人至。開軒令我心神怡。

與君隔別無幾日。渾如別久相逢時。嗟我與君同作客。

宜城酒熟時中之。荒埃如今復相值。但須滿飲勿復辭。

明朝振舵開頭去。又是孤篷愴別離。

借翁愚亭立準丁星樹珠劉竹泉斯經張春圃振

金瓶珂集竹圃宅節送愚亭入都

白日不覺樽上沒。寒風直射紅油窗。當筵且莫傷離別。

金瓶珂集竹圃宅節送愚亭入都

宜城酒熟傾一卮。雄談自是縱捭闔。英才駿足空拘龐。  
諸君作詩挾所有。筆力咸謂鼎可扛。我雖坎坷百不就。  
作詩誰肯赤手降。我身每欲圖作佛。但恨無物折幔幢。  
鷄人再唱曉鼓作。側耳聽蹄聲。逢逢相將走送皖。江上  
危磯急浪何滌滌。孝廉此去應努力。得意知君會曲江。  
酬謝贈琨王

憶我昔日歸自吳。手中滿把驪龍珠。少年意氣向誰是。  
匣中三尺縣纓胡。鞭絲帽影過白下。曲阿湖邊網惡馬。  
當時風雅共推袁。握手名園共披寫。門前車馬如踐更。  
座中盡是風流者。麒麟公子意更豪。讀我新詩不能舍。

藕頤類稿卷一

七

謂似村雲散風流幾度秋。年來作客皖江頭。眼中誰是青

雲客。市上難歌白雪謳。羈愁病况真無賴。單車空把文  
章賣。不遇惟憐温八义。向人惟學方三拜。知已渾如蜀  
道難。年華好似并刀快。清秋策蹇過鄭生。謂鄭堂縣尺

幅搖光晶。蛟龍鬱律疑神怪。是誰落筆于天精。問之乃

是君侯作。讀罷令我心骨驚。跛驢破帽初相見。葡萄倒  
盡珊瑚案。作詩每笑詭癡符。何緣一見頻稱善。昔年大  
陸稱才華。翩翩花萼交相綸。君苗何幸識機雲。真欲對  
人焚筆視。好酒亦逢大風晴。異日共遊龍虎潭。百不取

宜城廣教詩一

清秋雨過涼氣發。天容淺淺葱之青。駕言出遊約侶伴。  
招提雖近途。初經度阡越陌劣容足。岡潭踈散風接町。  
老僧但解桑麻語。廬陵米價皆禪靈。寺後纍纍盡古塚。  
亂山多楮遭秦刑。氣肅百虫漸欲伏。草間猶出紅蜻蜒。  
漢朝本是喬公宅。當時蛾賊紛叢坳。非侯非王襁漢帝。  
北芒陂下隨飛螢。江西皖城產連璧。二喬不能分尹邢。  
不知絕色匿何處。田舍那得門長扃。鬼神定能護尤物。  
媠食厲鬼懸明星。流離尙喜得佳婿。曲不敢悞娛瞻聽。  
千載騎省有古篆。雙溪行院誇喬亭。兄弟都善說文學。  
遺蹟欲並新堂銘。不知何時改作寺。胭脂井水供芥瓶。

藕頤類稿卷一詩

文

瓦俗木偶眉目闕像。教翻說形非形。宋時松竹在何許。  
虬枝媚影嗟飄零。小山大山宮不見。近岫朗朗開翠屏。  
黃山得名以山谷。金牛古洞石窈冥。山名喜與文士借。  
勝道喬嶺僧支禪。白鶴有觀復不遠。雲中卓錫驚仙翎。  
雪雲好句留吟咏。三祖古寺橋跨汀。遊意未倦理不借。  
夕陽已歿晚欲暝。歸來尙及城未鎖。舒州杓好傾綠醕。  
吾兄雅有作詩僻。近舍天柱遊南溟。隣家歌聲出金不。  
吾詩和者其幾丁。謂墨滋

陳芝房目能造語能用典。皆以奇橫出之。昌黎刷響。

戲作看山吟

雲從山中生。雲生山不見。我本愛山人。但覺雲可厭。文  
自意中出。文成事反隱。我非能文人。但覺文可省。論文  
偶看山。山意我已得好。風吹雲去。使我看山色。

毛初文曰。妙論從何得來。神似大蘇。

藕頤類稿卷一

男象階孫光禮光禧謹校

藕頤類稿卷一

詩

九

黃山得文以山  
與象階孫光禮光禧謹校

蘇頤類稿卷一

交陽已發晚欲收歸來尚及城

手應文曰。岐嶺詩。何詩來。輒作大韻。

歸香山山意。楚日。替我風。知雲。定對。楚。晉山。分。

自意中出。文。如。事。又。翻。楚。非。論。文。人。但。覺。文。可。省。論。文。

雲。從。山。中。生。雲。生。山。不。見。我。本。愛。山。人。但。覺。雲。可。厭。文。

藕頤類稿卷二

潛山熊寶泰善惟一字芸居

古體詩宋懋德祭同東郊詩代資

百次程廣文楷孔廟陪祭三十四韻

素王端冕旒萬世斯民寄聖人居其中天地乃設位祀

典唐以來郡縣崇廟制潛山本舒州改縣在元季近年

始築城百雉增壯麗聖宮城南隅雪湖佳麗地士夫釀

以財太匠畫然智爽塏有新構戟門慎啟闕周以數仞

牆宮殿亦深邃膠序東西分城平左右異是時桃始華

應律谷風至天地為昭明濃陰忽晴霽釋菜逢上下卜

藕頤類稿卷二詩

叶享祀利衣冠競奔走搢紳負禮器彬彬習鄒魯斷斷

比洙泗心繫禮宜勤隆極辯亦致封號各有加庶坐豈

無次緬昔儒道衰秦阮漢復詈家人譏老子誰能發經

義經神鄭司農考典功不細豈彼絳帳流勿因內學棄

桓譚不讀讖新論失經誼無合其何傷冒真患衆僞未

有創其始焉能善其繼宋學雖云精憑藉當有自先儒

恒有言後鄭不可廢若以河海論先後均應祭如彼農

圃家漢墓宋樹藝奈何康成祀乃從陋儒議明成化間程敏政議

罷康成祀

晉山館寶泰善惟

國家經學興正祀罔有替雍正二年復祀衡州新學堂杜甫詩

紀事。我今覩縷言。亦是昔人意。後人如考年。端蒙單闕歲。

徐書田曰。起四句。莊重無合一聯。用思元賦恰合。

山行

山路何崎嶇。筓鞋入林塢。炊烟散作雲。飯香聞細雨。前山行更難。流泉雜人語。

借鄭紅泉

煜

倪春圃

廷模

周篔谷

震榮

琨霞川

集霄漢樓分體得七古。以江上數峯青爲韻。分

得上字卽席賦

人生歲月當自勑。俯仰隨人桔槔。相傾家作釀酒爲名。

藕頤類稿卷二

詩

二

一日莫教酒杯放。清秋獨居梁鴻廡。竹簾生涼夕魂王。

長鬚打門折柬招。書蹤大似元和樣。謂篔谷爲言得閒詩。

興發携壺共飲霄漢上。諸公衮衮皆循吏。山水遨遊無

俗狀。座中更有康成在。博洽可以備遺忘。酒酣相與發

狂吟。樓外烟波橫疊嶂。各懷一硯得句書鸚鵡。之鵠之眼

相向。光陰冉冉彈指過。詩酒能除簿書障。及時行樂秉

燭遊。忍使退之嘲一餉。曾聞漢帝此浮江。射蛟臺畔風

濤壯。何時乘興鼓棹去。萬里長風驚破浪。土地間曲吾

能歌。縱陽江上添新漲。

鄭紅泉曰。首句。奇。叔者有二。壺中之外。惟有睡鄉。

遊潛岳一百韻聯句

大山宮。小山熊文泰。退中霍岳並。衡岳巨杼撐。丹霄熊  
寶泰。藕頤鴻冢峙。炎橐北吹迎。斗杓退中南。戒負地絡  
元氣始。煦嫗藕頤神。功繼雕斲。其峯縹緲靈。退中其體  
堅捍格。更比外方高。藕頤亦似太華削。龍眠可接趾。退  
中馬當爲摘摘。峯辭玉女名。藕頤松鄙大夫爵。天青青  
蒼蒼。退中氣渾渾。渾噩噩。軒轅靈期誕。藕頤漢武史遷確  
炎興。世繼世。退中元封朔。又朔天下方密如。藕頤祀典  
亦肅若。四時不與同。退中六龍知所樂。祠堂儀寬舒。藕  
頤秩宗禮虔恪。瑞應詡神功。退中祥洽作予樂。丞疑前

藕頤類稿卷二 詩

三

後紛藕頤鹵簿左右各。羽林懸豹尾。退中金吾引爆稍。  
橐泉屬車騰。藕頤歆玉但馬躍。蜺雲飛旌旗。退中鸞鳳  
敲掉箭。牙檣排高樓。藕頤錦纜緮長索。淇園萬矢集。退  
中越棘大弓曠。浮江九派分。藕頤射蛟十丈落。初時霍  
改嵩。退中此際衡。易霍兩山名。旣互藕頤副。岳說盡錯  
識。韓彼有靈。退中夢皮此僞。託寧退莫間。筮藕頤旣移  
免煩。數傳聞非異詞。退中圖畫豈妄度。僧繇旣古致。藕  
頤巨然亦秀擢。貞觀畫史漢武射蛟圖張僧繇畫畫  
史王仲愛收巨然皖公山天柱峰圖閉  
關少怡襟。退中乘輿理遊屨。居本是同居。藕頤約不必  
夙約。時秋氣淒清。退中喜天宇寥廓。葵笠辭南榮。藕頤

桐鞋出北郭。二喬問故宅。退中千載想。霸畧宋時饒。松竹藕頤今日餘。莞蕝繁華誇金粉。退中零落易瓔珞。二喬

宅今為廣教寺樹頭漾空翠。藕頤寺裏藏林壑。雙溪行院碑。退

中二徐流寓作。三祖山佛成。藕頤金牛洞天鑿。蒼烟猶

嬾娜。退中九井無濁灼。飛鳥正翱翔。藕頤遊魚見涔濁。

左慈跡已湮。退中吳塘惠仍渥。甘人絕妖鳥。藕頤誦經

乏馴雀。山靜秋已寒。退中泉淺旱不涸。木犀飄異香。藕

頤塔院響疎鐸。南頓佛光菴名在。退中中路脚力較。壤瘦

田稜稀。藕頤耕勤牛蹄跖。苾芻本空空。退中桑麻自齷齪。

石立出蓮幢。藕頤門近見松幄。屣屣梵夾藏。退中扶

藕頤類稿卷二 詩

持繯錫卓。鞭頭偽筍嘗。藕頤趙州例茶淪。蔬芹真美薦。

退中腥鯖果惡嚼。既笑賜經多。藕頤更恨阮書濁。明時李妃

賜藏經及阮大鉞書尙存碑古蟠篆欹。退中樹老龍鱗剝。後至誅僕

懶。藕頤前導喜僧諾。但聽古寺鐘。退中不聞野廬杓。繩

床瘦軀容。藕頤布被箕足薄。凌晨厭鳥喧。退中飽食感

天醉。峯阻路迂迴。藕頤峽轉境迢躒。蒸嵐飛冉冉。退中

爽秀吐濯濯。平時積壤糊。藕頤高處丹霞駁。下如臨深

淵。退中上如梯高閣。小石既磊磊。藕頤大石更礫礫。如

坐臥起仆。退中如尊卑。強弱或如鬢禿鬻。藕頤或如墓

包榔。或如驤首驥。退中或如腫背駱。或如禾駢頭。藕頤

或如耜兩脚。或如碁布子。退中或如双揚鏢。或如懶臥  
瓜。藕頤。或如長睡貉。或圓浮如蓋。退中或直上如櫂。或  
狹銳如楸。藕頤。或空起如殼。或平如屠麻。退中或屈如  
尺蠖。或如累瓶獻。藕頤。或如設弈鄂。或蒼翠橫峯。退中  
或秀麗承嶠。雙尖樹馬耳。藕頤。三峯安筆格。相並者岌  
峒。退中相遮者帷幕。石鏡懸精光。藕頤。玉照飛閃爍。衆  
攢共揖讓。退中獨起無倚著。飛鳥足苦滑。藕頤。仙人手  
應摸。千尋不難成。退中一掌不肯拓。豈止九背面。藕頤。  
如有萬跗萼。逞秀定毓奇。退中含輝誰剖璞。造化本狡  
獪。藕頤。山靈亦磅礴。得入始生雲。退中行見未採藥。獅

藕頤類稿卷二 詩

五

木怪千狀。藕頤。靈芝秀一握。衆木皆梓化。退中有松梧。  
楫。柞老幹皆龍。變藕頤。作鱗甲。挈攫遙瞰江帶縈。退中  
仰視天容逸。不于轉仄登。藕頤。淙瑋過危衍。翠微已舒  
懷。退中絕頂果離囀。文筆失模擬。藕頤。畫家難皴皴。力  
疲下首馬。退中尻高俯。啄鶴苦習袂衣襟。藕頤。防蹶仰  
展角。先到如行碁。退中脫險似解縛。人如塵外遊。藕頤。  
僧亦泥融覺。歸途旣云暮。退中勝境已如昨。團辭詩未  
佳。藕頤。雜作韻不惡。但欲承口吻。退中那得細商推。文  
漸慶。孫李藕頤。才愧賈生洛石鼎。敢大言。退中酉陽賴  
小酌。且傾天柱茶。藕頤。更進舒州杓。退中

紀行詩一百韻

橫艾淹茂歲。五月成旬日。初生在中吳。紫胞訝英物。日者按握先。身命有磨礪。應作飄零人。况是柳孤設。大父好吟咏。吳下聲籍籍。沈文愨公選入別裁集父官二千石。到處名

顯赫。慈親憐少子。鮮民痛如割。伯兄宰單父。琴臺留政蹟。今獨與仲居。倡和聲不輟。性情一身骨。文章寸心血。興來登潛峯。頓覺心目豁。吾兄擁鼻吟。秀色詩句奪。兒女都長成。幸不覓梨栗。我祝阿垣詩。難與紫薇匹。自覺功名遲。却望兒早達。都無讀書資。遠行意遂訣。屋住東西頭。路分南北轍。兄弟各分去。離懷那可說。妻兒苦留

藕頤類稿卷二 詩

六

戀慷慨未遑恤。初程到皖江。同行四五客。鳶肩火色人。議論皆壯潤。既非生平歡。甘受雜亂聒。隨流到金陵。山水稱雄傑。同行盡游觀。我意轉淒絕。少年省試地。但有書咄咄。朱方與白田。先君官丹徒實應知縣老民念清節。座中彭

城人。

先君官徐州府

頌揚更親切。那知遊子心。心悲面復熱。天

津古直沽。揚舫至此歇。倉卒換柴車。窘如入鼠穴。生平

從宦遊。強半在舟筏。陸行自今始。北風又凜烈。冷賣水

引餅。初食不下咽。葱薤佐豆粥。饑甚慚饕餮。所幸路坦蕩。驢健車脂滑。不比大江南。十里多凹凸。到都宗工喜。有如磁引鐵。獨淪密雲龍。深談散拂鬱。目下苦奔競。不

肯事請謁。亦有耆詩人。高軒訪豎褐。孰料歐門雜。幾煇  
改名譎。炎炎多。大言其意在。啗喝廣座。辨癡龍。郊居失  
雌。覓。穎士識紇字。未能自捫舌。被酒罵座人。醒後意不  
屈。長安人海中。難容烟霞癖。選人得壯縣。目則近蠻貊。  
勸我並舟行。記里皆舊驛。又得過家門。囊空氣頗茶。獨  
與僚壻行。相形愈見絀。吾兄亦坎坷。將復遊吳越。臨別  
意黯然。執手語刺刺。自言無所好。吟詩歷歲月。何必久  
緘藏。吳中付剗。汝行速歸來。爲我較筆畫。我詩質少  
文。汝詩巧實拙。四海一子由。乃復萬里別。相顧似老年。  
但見淚。縷抹比之前。番行更覺悲。心劇峭帆向南征。小

藕頤類稿卷二 詩

七

姑秀色溢。回憶金焦山。兩秀不如一。琵琶亭懷才人。岳

陽樓名眺仙跡。洞庭湖水平。勢將吳楚汨。君山浮遠翠。又

作中流泊。麻陽換小船。壁立兩岸石。萬篙傳石聲。千里

束天色。想當造化初。定是一石裂。舍舟在鎮遠。峇巒翠

如刷。初行相見坡。若鯨尾。轉掣對面呼。可聞已是十里

隔。憎憎瘦馬行。萬步無一蹶。朝朝冒細雨。晴亦曉如眊。

偶見鮮衣苗。蜉蝣方掘閱。日藏月亦稀。山川太陰閑。入

滇見晴明。如蒙始掀揭。五華山浮青。昆明湖澄碧。唐時

梅花存。古香見標格。羈人但苦風土人。不識雪低頭。思

故鄉落井數千尺。目則本兩山。越南在肘腋。風氣似吳

人水田旱不竭。語音盡可解聲。遲類口吃。道上逢婦人。蒙面有繻纈。可惜少書賈。縹緗不能積。一甌無可借。健忘多恍惚。精爽忽自動。噩夢驚連夕。明明仲兄來。儼若有所乞。涕淚一身遙。札闈恐無益。急辭理歸裝。訣語惱親密。水陸盡兼程。到家仲已歿。椿萱相繼萎。雁行又盡折。不但人琴亡。更令詩卷失。豈是逢中表。才忌李長吉。或是遇傖父。一一鶴聲竊。所幸旅櫬歸。免我自徃逆。稅服行葦年。又復饑驅迫。親朋俱嘆詫。隣里亦呵叱。謂汝仲兄亡。汝那得復出。惟有垂髫僕。携行意甚悅。時時竊問人。主人何日發。

藕頤類稿卷二 詩

陳芝房曰忽寫情忽寫景全從老杜北征脫化而出而筆趣自別此放翁之所以善學杜非空同之生吞活剝也想像造化初定是一石裂未經人道

讀三國志小樂府

童謠四方聞。讖語宮中起。紛紛召外兵。董侯作天子。召外兵

又

乘輿蒙塵久。誰爲社稷臣。壓籬求拜職。不及小平津。求拜

職

又

吳地干戈起。西川僭擬多。交州有南岳。子夏在沙河。吳蜀

亂

又

修史世所難。善人國之紀。不識子長文。肯貸中郎死。中郎死

又

求田復問舍。豪氣誰能除。惜哉陳元龍。乃敬華子魚。陳元龍

又

此事想當然。屢觸曹瞞怒。魯國好男子。何不拂衣去。北海

藕頤類稿卷二 詩

九

又

乳藥投杯起。驅車王子師。一年逢再放。應有解兵時。王司徒

又

朋友各有黨。君臣亦有類。肯仕曹嵩兒。本是中涓婿。荀文若

又

駐馬青瑣門。故人頗留戀。呂布雖劍客。有書數百卷。呂奉先

又

會  
同為邊地人。座上不相救。幾日別溫園。却念曹公瘦。溫園

又

破得幽州至。兵書記百樓。遙憐樓上女。應為大聲愁。孫公

贊

又

誰解北海圍。深感知名意。袁術生年來。不識有劉備。袁公

路

又

英雄惟使君。謬為七箸失。借得荊州時。堪笑曹公筆。借荆

藉園類稿卷二 詩

十

州

又

長史真男子。難為疲倦身。後來何彥德。亦有送行人。張君

嗣

又

橫槊歌明月。君家詞賦工。生平有知己。酌酒憶喬公。曹孟

德

又

東栗天子糧。阿瞞乃大嚼。生烹左慈魚。死供臧霸餽。臧霸

餽

同為邊地人。座上不相救。幾日別溫園。却念曹公瘦。



曲  
同稿  
鳳凰  
遊道場山四十韻

又此志  
寄語吳中士樓船下不難連江橫鐵鎖忘却護風寒鐵鎖

江  
陳芝房日體彷彿漁洋而風趣自別  
昔外古意

妾如天上月清光日日減郎如弦上箭一去不知返月

重輝郎不歸論三日懷意  
無下過濟寧喜遇周書昌永年明經時脩州志即席作

齊土山川最雄傑百三十二東西秦必有奇士繼後鄭

藕頤類稿卷二詩

我雖未見思其人孝章謂盛本是生平友為言周子世

無有五經紛綸折衆說史筆亦可垂不朽與我一見稱

莫逆上下議論三日劇意欲積文作文藏自明迄今之時文佳者盡

收一處日文藏弄藏亦如梵夾樣此事雖迂實奇想不知何人

肯收掌我生最厭看制義元祐三年本多事猶喜仍是

孔子術不比詩賦同遊戲歸途吳船書賈多不買舊書

買文字千佛名經入藏中笑我今年方下第發凡比例

有精意此時且為觀新志濟南名士聲名起難得有司

作知己此志能傳良有以九能大夫謂胡八能士

同謝祖惠遊道場山四十韻

舒州襤被來吳興。時逢暑月方蘊蒸。少年卽聞道場好。  
襪襪甘爲遊山稱。吟詩謝朓亦乘興。縣齋初出汗浹膺。  
岸旁幸有書船在。石倉絕似逢曹曾。玉池錦暉看不足。  
汀湖陳起紛籤勝。唐末雕板起禪院。免使梵夾抄多燈。  
後來踵行長樂老。驅遣烟墨誇精能。癡頑寧論萬馮道。  
此事差。恕摸床。棧棗梨古香最可愛。老杉遜錦棟。遜綾。  
惜如執爵不知味。又如看山未及登。如飽蓬蓬賈貯粟。  
如衣舉。舉賈販。繪上章。驅鬼賈亦可。但願故去新相承。  
我家亦有書千卷。虫鼠覬覦窺厨滕。自從出門那可道。  
卷帙不忍施環緇。囊中少錢困行李。一肩小僕難擔簦。

藕頤類稿卷二詩

三

欲入行裝輒中止。如別良友思不勝。愁懷振觸舍以去。  
隣船三板風可乘。遠山困暑失青色。碧浪劃槳波猶澄。  
梵宮觚稜棲金雀。佛像螺髻垂飛鵬。丁東乍聽簷鈴響。  
曲折遙見闌干層。仄徑容足苦不子。高梯倚磴驚稜磴。  
三衣迎客韡紋古。龐眉瘦健扶枯藤。禪門氣味當脫畧。  
何必苛禮添添。憎謝公能作乞食袒。腹大乃是佳射壩。  
嗟我初生臯橋側。生平最喜吳語僧。近來苾芻入時好。  
法席旣盛道價增。杭標聲名摩霄客。好詩不讓千篇朋。  
鑊邊釃茶醒疲睡。風塵相遇皆僕仍。香積匱餽進時菓。  
烏頭白芡紫角菱。雜以樹鷄兼榆肉。匏尊勸酒二三升。

鑿之冲冲玉山遠。座上可惜無鮮冰。初地亦復苦炎熱。  
櫻拂不爲除蒼蠅。須臾雲起風雨作。龍翔虎奮聲飛騰。  
讀書怕逢時暘若。占易喜遇雷風恒。旱氣休怨曾僖喜。  
須知熱極皆雨徵。人間氣候轉瞬息。炎官火繖休相矜。  
下嶺躋如督郵馬。歸帆速比支遁鷹。松行竹塢有潤色。  
水聲活活歸田塍。我生好吟不自覺。飛流濺瀑譏徐凝。  
待到清秋涼氣發。好來著句續先曾。

自序東翁愚亭

立準

翁生得酒如得官。一日不飲雙眉攢。昨日忽然醉後至。  
立談畧叙生平歡。南皖城邊飛瀑寺。木樨香中有禪意。

藕頭類稿卷二 詩

十四

槐榆橘柚爲弟兄。携壺挈榼相飛觥。一月幾日開笑口。  
此中惟宜共飲酒。人生光陰如隙駒。今此不樂胡爲乎。  
自我少年多酒過。近來惟覺酒膽懦。獨酌不敢發狂言。  
况是招提客滿座。多憂酒後天不全。酒不忘憂。吾有喻。  
以火救火。然更然。酒人至今有幾存。憂能傷人。不永年。  
古人之說嗟哉言更闌。故人拂衣去。細草空階響秋雨。

方竹圃曰起似大蘇

妾薄命

春風薄縠輕紈。美人左鋌右鋌。驚鴻游龍飛旋。主人起舞。  
舞雙妍。秦姬趙女俱前一堂。宣笑玉顏。清歌婉轉歡聞。

明珠纍纍跳盤。清韻婉轉無端。東西雙擊隻彈。雜以急管繁絃。白日耽晚西藏。蘭膈列炬舒光。嫵媚隱間曲房。華酌既陳瓊漿。輕軀妙腕行觴。凝停善睐波光。深夜爲歡極情。衆中與君目成。恩重愛深難忘。鴛鴦芳塘雙棲。箔上同功繭絲光。陰易別輕離。瑤箋千里相思。寶釵願奉光儀。

陳芝房曰體本陳思聲情極合一結更佳擬樂府者多雜湊成篇此獨運以清思君才亦復八斗

與古雜詩

曹憲百餘歲。及唐身尚存。少年與老年。俱是承平人。兒童衣袖中。絡緯聲大好。冬日見夏虫。驚心似遺老。

藕頤類稿卷二詩

五

人生百年別。只在須臾時。願將須臾意。百年無暫移。未與古人別。却作千載思。性情苟不同。相見夫何爲。

又

途中逢名士。勞勞扣人門。雖然不脛走。未免請乞繁。請

看桃李花。秀絕在不言。

知交旣零落。日與松石親。我無堅貞操。但恐松石噴。入

戶理架上。尚友古之人。賢者我甚愧。佞者亦可羞。掩卷

又

生平多性懶。最畏筆硯役。當其受命初。嘔心血不出。催成墨未濃。亦尚有繩尺。乃知不能人。方可受逼迫。

又

好鳥窗外鳴。使我遽然覺。枯坐益無繆。獨出城西郭。我欲贈美人。春姿如可握。

又

花落風未休。簷靜雨忽止。天晴暮色久。水滿池星起。懶與歡為隣。勞者徒為爾。

又

藕頤類稿卷二 詩

去

苦雨送春歸。春去雨猶滴。好風送歸舟。舟泊風未息。風雨本無心。欣戚在所歷。歸來不必欣。春去不必戚。歸人不能久。明年春又及。

又

人皆有所以。我獨頑且鄙。儼似五言詩。乃出自老子。陋儒雜禮記。畔臣造周禮。孔壁木偶人。王通黎邱鬼。據文辨其偽。不必考源委。

又

藕頤類稿卷二 男象階孫光禮光禧謹校

男象階孫光禮光禧謹校



衰顏借酒生霞暈。門前一樹合昏花。合昏花。合昏近。  
人生當以節義重。垂老忽教妃被共。松花欲落栢翠浮。  
一雙睡鶴甘同夢。

趙味辛曰香山嗣音相見恨晚

金鄂巖曰轉折處如彈丸脫手梅村以後一人而已

方蘭坻曰叙事錯綜處真似長慶燭花以下神來

毛初文曰以合昏花擬之大是奇想

毛仲達曰方物志載有夜合石則花不切老而石更

切矣使白頭人尙在聞之當一笑

其二 寄顧妙臺

淳

我昔遊吳淞。負笈行堀堞。堆書懶蒐討。日向北牕卧。客  
中喜識君。握手愁顏破。東風正駘蕩。花柳紛駁娑。蠟屐  
恣春遊。新詩走筆和。君泛邗上舟。我鼓皖江柁。相離三

藕頤類稿卷二 詩

二

載餘。歲月隙駒過。我歸多苦辛。時運值坎坷。今年來吳  
門。風塵衣苦澆。君又移舊居。訪之恒不果。舟中逢阿戎。  
連床共燈火。夜話重思君。臘雪飛入座。何日到平山。坦  
迤共飛筇。

題安儀甫松鶴圖

清翰

澆書纔幾杯。卯飲殊作惡。攤飯蘄州簞。炎暑漸退却。須  
臾驚周公。軍將忽剥啄。持送越縑來。披覽殊錯愕。有客  
海嶽姿。科頭更芒屨。清如澗上松。矯似雲中鶴。松鶴更  
相依。丰神何照灼。倦眼既已開。煩襟快一淪。君侯媿雅  
才。新詩錦載橐。釋褐宰吾鄉。循聲良不忤。莎廳吟咏訖。

試士文闈鑰。張軸一書登。鄭白忽已落。鄰鋪絕假手。簾  
視無僞託。愛山如愛才。搜述遍岩壑。吾鄉饒山水。絕不  
事丹雘。天柱何嶙峋。周遭繞城郭。二喬有遺宅。松竹雜  
楊祚。雪雲三祖山。迢迢秀岩壘。石牛更谿窞。石梁豈危  
徇。暇日蠟屐遊。笑傲何磅礴。蘇黃遺跡在。披荆自摹拓。  
狂來岸幘吟。好景題詩各。才力追古人。攷據極贍博。書  
蹤逼太令。體製效康樂。同遊澹蕩人。卻生賓入幕。走筆  
和詩篇。乙乙絲在篋。長篇何纏綿。貫串非冗弱。近來噉  
名士。癡符競鐫鑿。少見多所怪。不識腫背駱。安得盡逢  
君。一一刮眼膜。我本所弛人。樊籠笑羈絡。學書真重儆。

藕頤類稿卷三詩

三

才拙空捫籥。既苦筆力短。又苦文思涸。朝朝仰屋梁。十  
日藁乃削。聊比鼉逢逢。更似蛙閣閣。披圖愧善頌。幸母  
相嗚噓。

蠶節贈翁處會

履

寒樂同茲歡。故人臨子堂。入燕去

溽暑恒侵肌。赤日如火燎。執熱苦鬱蒸。狂叫脫單絛。憶  
昔遊吳門。但覺吳中好。高吟吳趨行。蠅頭藏癖稿。武邱  
恣遊尋。靈岩峯縹緲。上方山迢迢。石湖波鼎鼎。迤邐入  
山寺。招提更深宵。香吹簷葡花。靜聽迦陵鳥。泛舟消夏  
灣。松竹漾清沼。木陰厚似瓦。岩磴滑如掃。青帘颺初旭。  
酒滴珍珠小。一飲輒一石。犯申還過卯。吳娘笑似搗。暮

兩歌窈窕。山水與絲竹。入耳有餘裊。虞山百里間。周遭  
蒼翠遶。剪取吳淞江。乘興入三泖。老饕更相宜。食經事  
研討。蓴絲千里羹。江瑤來海島。煩暑不敢侵。清吹滿襟  
抱。別來三年餘。眠食夢魂繞。翁生新入吳。三椽自營造。  
偶束遊子裝。襪被青充道。同爲山左客。相逢恨不早。骨  
相何清癯。通眉長指爪。身官本磨蝎。二豎頻侵擾。日日  
倚養和。形容漸枯槁。槐葉水引餅。攢眉食不飽。釋米蒸  
長腰。事煩食亦少。那有下箸處。魚蝦乏蠃鼈。蟹蛆議門  
下。鮮菜笑庖臠。村醪難入唇。何處覓清醪。出門卽風沙。  
六時常浣澡。嗟子不貴身。服食豈纖杪。聽我話舊遊。更

藕頤類稿卷三

詩

四

覺顏色。愀思歸。竟成疾。調治那肯療。我聞古之人。愈疾  
賴詞藻。七發慚枚叔。詩篇愧杜老。致令吾子疾。一月尙  
顛倒。君行或可愈。試問倚樓趙。謂者庭我詩播搭詞。幸勿

抄袍襖。

贈涂丈長卿

逢豫

飢驅汗漫遊。歸來足重趼。瘦削如束柴。偃仰息疲喘。學  
問六蠶飛。歲月雙丸轉。作詩如對簿。辭成面有覩。今詩  
重資格。升降骰子選。樗蒲十擲。健嘲笑那可免。况復喜  
新詞。籛駮與弄犬。札闥易書門。詞癖意不遠。戚施不可  
仰。籛籛不可俛。有能有不能。此事難強勉。不如絕吟咏。

困之詩。思減文章鉅公來。造詣具茗苑。蘇門密雲龍。獨  
淪恩知忝。汲引有深衷。示我詩數卷。紙印桃花紋。墨潤  
冰絲繭。李杜文章在。光燄不可掩。長篇多奔放。短章有  
餘雋。古濠世所無。殷瑚與夏璉。有時逞雕鏤。大圭偶刻  
琢。我非知詩人。日日恣披展。譬如寒素客。亦愛蒼玉甌。  
掃地挾清香。好風吹細篆。危襟一再誦。頓令俗慮剪。嗚  
甚飲醴泉。一日愈跛蹇。詩思勃然發。吟鬚復笑撚。

本賦贈程朗齋

文焯

程君有令姿。風儀絕秀整。松風方謾謾。秋水更炯炯。妍  
如騎省潘。瘦似東陽沈。早譽宋晏殊。幼慧唐蘇頌。讀書

藕頤類稿卷三詩

五

十行下。同類訝優敏。弱齡文筆健。凌雲脫飛隼。詞賦更  
擅長。奚僮背古錦。季鍛與月鍊。雕肝復琢腎。哲匠多憐  
才。茂才舉異等。莫謂荊州鮑。要津發初軫。負笈訪名師。

千里來謁請。

謂表

異書載一箱。束脯無十艇。鍵戶謝交

遊。夜誦時廢寢。三月不窺園。神王氣愈靜。念子歲月長。

汲古得脩綆。磨礪既以須。及鋒庶脫穎。我生最嗜茶。聞

子賦新茗。試與論茶經。亦可見文品。活水辨根源。旗鎗

比馳逞。規承花漾新。碾羅法制審。蠅眼避過熟。燴醃恐

太冷。聲聞俱寂時。功候最難忍。品高氣自清。色淡味愈

永。蘇門密雲龍。至味子獨領。我雖時一到。飽腹只俄頃。

子今依名師。託足在佛嶺。茶名如茶遇盧陸。品題見標準。

憶我少年時。梅豪賦馳騁。謂我一角茶。知已曾汲引。那知草茶賤。空名慙頑獷。名場奔走勞。虛譽笑畫餅。鞭絲騎欵段。颿影駕舴舺。滇南風撲面。青兗雪沒脛。懶慢本筋驚。訾謗仍骨鯁。近來更無狀。裹足守鄉井。杜門恐見人。讀書但存影。我雖甚不才。却又愛才甚。未見愁填胸。既見笑見矧。逢子解百憂。今我亦何幸。他日過我時。與君還茗飲。

贈周北垞 廷叟

周郎媿雅才。下帷討墳典。挾策不見收。襜被走青兗。我

藕頤類稿卷三 詩

六

身亦淪落。塵瑤苦偃蹇。客中喜識君。結驩殊不淺。示我篋中作。三日恣披展。新詩去狀體。書蹤逼繆篆。綺思何纏綿。乙乙絲在繭。我詩如遊卒。逡巡旌旗放。君詩如螿弧。周麾大旗展。把玩煩襟開。雜誦俗慮剪。旅舍共轟飲。小戶困不免。樗蒲幾齒名。昏忘多錯舛。盧雉繞床呼。十韃面有靦。鬢髮鼓紈如。夜午味逾雋。座中老司馬。謂仲銓籌盡鬚笑撚。勝會良獨難。客懷多縈縵。嗟我羈旅人。風塵足重趼。明發苦別離。腸中車輪轉。相期釋吝勞。後約還須踐。待到詠花時。春風共游衍。

題坦如兄 履泰 雙溪放棹圖

我家結屋雙溪傍。天柱山谷遙相望。溪流山色絕婉孌。  
四時坐嘯成清狂。吾兄雅有山水癖。烟霞痼疾成膏肓。  
中流扣舷發清籟。飛觴痛飲論羲皇。亭亭新綠萬竿竹。  
沿溪亂石如羣羊。彈琴拂拭下衫袖。木葉盡脫山青蒼。  
人生故鄉那可戀。急裝上馬如飛電。前年襍被向京華。  
短後之衣深雍鞞。生平自是輕餘子。眼底何知程與李。  
偶然挾策不見收。踈狂合受人謦訾。噉名無齒何足云。  
學道有牙空自喜。興來指點畫工筆。貌得雙溪藏篋裏。  
今我不樂辭故鄉。官齋握手驚老矣。話到家園各愴然。  
相逢拓落猶如此。桃笙攤飯日高春。歸夢依稀入畫中。  
醒來披圖一笑粲。夢耶畫耶將毋同。

藕頤類稿卷三 詩

七

寄潘亦村 佩

清秋失喜走東國。蹇驢獨策心怱怱。月中桂樹斫不得。  
誰從下第憐張喬。年來頻頌止酒什。却笑中酒非醇醪。  
歸來兄弟各感勞。羞醜更勝于警。警羈羽困頓似鞞。繼。  
蔀屋兀坐如僧寮。自分踈慵百不可。牙籌自握聊解嘲。  
秋郊稻熟歲大有。大車小車連隄尻。我身非農亦非吏。  
坐守官粟輸官厥。叅軍蠻語不可辨。便令介葛空來朝。  
汝曹邊幅那可耐。但掩兩耳任騰囂。諸僮笑我太任誕。  
那知任疾不可瘳。叶警彼二豎乘間入。膏肓傳染非一

朝從來文物過江盡。小兒滿眼如螻蛄。潘郎斫弛忽相  
過。氣概直可凌青霄。奚囊新句壓驢背。中丞雅故穹鍤  
彫。胸羅萬象筆扛鼎。別裁僞體親風騷。我身絕似伏轡  
馬。君才有如切玉刀。金篦刮我三日目。人生相去九牛  
毛。客中杯酒樂莫樂。接籬倒着鷄三號。更殘錄別留新  
作。長城五字何岌岌。偏師欲出攻不得。薑芽斂手將逋  
逃。惜別作惡復自解。吾儕後會皆能料。東籬老梅將作  
萼。嬉春我欲相招邀。南中風味不盡歿。好蒸胡米烹長  
腰。沈脾徐肺各分擅。君爲犀首吾曹交。

匣中篇贈俞次山

至言

兼東戴遠山

王微

藕頤類稿卷三

詩

八

匣中三尺水蘭纓。縣寶玦。一日三摩娑。斫地貲。盡裂我  
生多骯髒。豪氣自勃勃。那知不得意。閉關空豎褐。性傲  
寡所諧。交遊日以絕。薄宦依長兄。忽驚雁行折。淚下如  
綆縲。痛極似捶撻。淒淒琴聲亡。寂寂春聲輟。廉吏殊可  
爲。家風自貽厥。厨無聚蠅糝。努力自春師。秕稗未能除。  
到口復噍咽。舊物只青氈。又復逢盜竊。敝車旋如磨。日  
日走風雪。初疑遭瘕狗。佩蘭在城闕。又疑縱猪都。或是  
毒蛇醫。江南喜事鬼巫覡。連甌粵邗笑來東。山亦復駭  
機。設人情工翻覆。世途多傾軋。獨逢俞清老。慷慨中腸  
熱。高談能罷驚。利想犀兕截。怒發鬚髯張。鬼物盡蹙蹙。

我嘗有戲言。可以當桃列。有時粲花論。說理勃率。書  
蹤逼大令。畫意摹前哲。腹笥何便便。雕虫意不屑。我昔  
識戴逵。胸中星宿列。縱橫萬里才。神駿絕羈絆。作賦吟  
雄風。博物讀雌霓。擬人必于倫。君才實相埒。與君亦老  
友。夜話懷念切。回首思吳門。我更十年別。遙望芒碭雲。  
恨無縮地訣。懷舊更談今。謂我神氣茶。我心多隱憂。欲  
語舌如結。須臾告之故。不覺語刺刺。我言猶未終。一擊  
几欲缺。張日向我言。簸揚任箕舌。君有玉龍在。何不盡  
撲殺。君言胡慷慨。我心久空徹。歲月能幾何。其速如電  
掣。將依法喜境。蒼蘆香披拂。富貴如浮雲。妙悟叅指月。

藕頤類稿卷三 詩

九

捐此細碎仇。厭視糝糊血。生天靈運後。鬥草悟殺活。君  
身圖作佛。身有如瓜骨。同此上初枕。自不波旬說。戴公  
久安禪。見詩定欣悅。煩君風便寄。亦以當書札。

李素伯曰詩法若然森有紀律筆情道麗骨力開張

次韻贈毛初交

孝光

臨江師承其心

我生頗好遊。足跡遍南朔。鳶肩火色人。意見盡乖角。中  
吳識毛生。苔岑欣有託。素心兩無猜。聯吟共研摧。借書  
不厭頻。過從不厭數。小別各贈詩。交情最綿邈。嗟我久  
棄置。多君識和璞。君言皆心聲。我意耻耳學。况君方盛  
年。健翮自超跖。不知往知來。我似長尾鸞。命宮雌雄分。

酒戶大小較。聞君招我飲。請學鮑陽卓。定向席上醉。不必甕邊捉。走筆先答此。見詩知嗚噓。

塔瓦行爲毛榕坪孝本作

錢王造塔臨安中。層層紺碧懸青銅。塔鈴丁冬聲。搖空青天飛。出金芙蓉時。移流落西湖。寺柱自塗金。極精緻。偶然拾得白石生。乃是如來捨身事。後來惟有蔣僧果。嗜竒復得塗金瓦。巍然佛見金色身。立地屠刀才放下。秀水太史嗟未見。白蓮空向禪床坐。吳門毛生亦嗜竒。片瓦初得生驚疑。再三把玩此良是。珍重絕勝珊瑚枝。當時太史分明說。後有好古或遇之。至今未鑠亦難得。

蕩頭類稿卷三

詩

十

惜哉未令太史知。人生幸生古人後。不知我後其人誰。毛生不愛白玉玦。愛此光明千載錢。劇如少女三摩挲。一片寒金手中熱。憶昔徽欽蒙塵苦。五國城中葬無主。石坑日暖水如油。錢塘風麗歌還舞。聞說西天轉法輪。康王本是錢王身。仇視父兄殺良將。豈知此事皆前因。土花落盡青如洗。手持塔瓦反覆視。佛氏之力乃至此。吁嗟乎佛氏之力乃至此。

題王傳岩之巖嗜茶圖

吾生嗜茶有竒僻。紗帽籠頭自煎喫。閉門快飲密雲龍。七碗方能破岑寂。吾友清狂有同嗜。妙才本是王濛齋。

剪取中冷入翠瓶。竹爐螾眼茶聲細。憶昔與君年少時。  
汝哥鬥盡官窰磁。胸中文字五千卷。清風習習生書帷。  
君爲飢驅走東粵。我遭坎坷歸茅茨。吾鄉自昔產名品。  
天柱數角開槍旗。君飲使我愁盡解。再飲使我生累歎。  
我生不遇滯鄉國。君才磊落悲天涯。今年我亦來江上。  
邗溝握手神張王。瓦鐺一日煮春濤。炊烟不起茶烟颺。  
話別深宵各愴然。頭顱如許真無狀。嗟君自少耽酪奴。  
何年更作試茗圖。披頭展玩復笑粲。風貌絕肖吾將呼。  
相逢不必更嗟嘆。歲月只須羊胛爛。不如再飲六七碗。  
不平盡向毛孔散。

藕頤類稿卷三詩

十一

不平題劉桐引驥桃林泛舟圖

丈夫及壯當封侯。崢嶸意氣凌九州。所如齟齬不得意。  
翻然一笑回扁舟。扁舟蕩漾桃花裏。山草山花春幾里。  
夾岸花開紅欲然。溪流婉孌石齒齒。十年未見生平歡。  
風帆乘興未可艤。載得佳人綠萼華。李波小妹桃根姊。  
浮雲蒼狗日千變。光陰白駒過隙耳。閒愁縛束何足云。  
人生快意那有此。春風日暮愁人心。懷人空作短長吟。  
故人又向武陵去。落盡桃花春水深。

吾喜逢張稼善。本卽送其返望江。微風密雪半青洲。

天涯倦客悲衣繡。鞭絲帽影紛參差。年來落拓百不就。

骨體不媚知音稀。自憐捫籥無一得。踈狂合受人謗訾。  
招提初蠟阮公屐。相逢禪榻神相怡。雄談偉辨岸巾幘。  
氣概能却千熊羆。襟懷瀟洒函雅故。劇論中夜神不疲。  
別裁僞體親風雅。如肉貫弗刀治絲。酒酣呼我爲狂士。  
興到不計千百卮。金叵羅。銀留犁。與君行樂當及時。剛  
朝驪唱送君去。遙看江水空漣漪。

口共題沈佑江詩永慕圖

沈子持此卷。泣下如綆縻。憶昔髫鬣日。斯夕侍庭闈。佳  
兒似文度。膝坐無暫移。岐嶷頭角異。對日非虛辭。或云  
麒麟種。或驚龍鳳姿。塗雅笑添丁。秉笏同袞師。飛胡與

藕頤類稿卷三

詩

三

艾吃。絕不聞嘲嘻。賢母更授經。紗幔如經師。二十不得  
志。文壇嗟數音。齊竽一一吹。知音何其稀。丈夫挾策遊。  
胡爲守茅茨。非敢效絕裾。聊以奉盤匱。京華多高軒。交  
口共譽之。文壇塵戰餘。妙手寫鶯溪。或驚顧長康。或比  
吳仲圭。長安自米貴。居易固其宜。數夕精爽動。烏聲啞  
啞啼。北堂多悲風。靈萱忽已萎。吁嗟遠遊客。母心千里  
隨。兒身客京華。寸草戀春暉。那知懼大難。此恨無窮期。  
音容不可見。音容猶可追。兔筆垂千縷。縷縷淚痕垂。至  
今十餘年。宦遊常自携。小人亦有母。七十非壯時。離家  
雖百里。百里卽天涯。一夕不相親。寒暑何由知。覽君永

募圖明日脂車歸。

題張友仲

辛

地輿圖後

浙潮畏錢鏐。衡山識退之。山水識人事。念之長累秋。張  
郎雅有水經癖。鍵戶濡毫三十日。水源地脉朗列眉。蠅  
頭細寫懸東壁。一支一派皆細分。如繭重剝絲重縉。如  
爲陽侯河伯作世系。上自高會下雲仍。當時同觀有李  
尉。對之不覺發長喟。生平足跡徧九州。某水某山曾釣  
遊。我亦生平長作客。南山之南北海北。鞭絲帽影不得  
停。騎馬乘船何日歇。心懷足繭行路難。十日溯一水。五  
日過一山。不料張郎收入三寸筆。大如米粟居其間。蝸

藕頤類稿卷三

詩

三

角舍蚊曉巢。光陰鍼孔何足豪。恒河之沙十萬八千劫。  
禪門氣味吾將逃。天涯倦客神空驚。張郎聞之發笑聲。  
足跡未出安陵城。

酬施鳴埴

佩

兼題松陰濯足圖四十四韻

襪被來千炷。鄉關隔千里。主人殊未歸。抄飯乞雲子。子  
胥曾乞食。魯公會乞米。我無古人才。入口有從理。又非  
侏儒身。那得飽欲死。獨怪飢驅來。何以又至此。施君有  
俠氣。聞之若深恥。特遣長須來。邀我酌浮蟻。我正飢腸  
鳴。忽然動食指。知有異味嘗。入座列甘旨。奔走來劍童。  
羹湯煩灶婢。菹葢羅鮭菜。鳴薑烹鱸鯉。鷄簽與鴨齏。咄

嗟出蘭錡。我本非大戶。飲酒三葉止。已見珍珠兼。更覺  
家釀美。且復一中之。對酌少朋侶。一杯復一杯。海棠正  
旖旎。垂絲本異種。不比閒桃李。斜陽沒樹梢。焚膏能繼  
晷。花影正當窻。燭影復橫几。遂令大斗空。酬酢猶未已。  
接籬吾倒着。玉山君頽矣。明朝詣君謝。深悔失賓禮。君  
言非夙約。聊以破無俚。我聞杜陵老。耒陽逢漲水。一夕  
醉飽卒。今晨幸能起。語間出圖畫。獨坐松陰裏。雙眸何  
炯炯。神氣宛然似。知君有雋才。所養得大體。讀書苦用  
心。功夫真洗髓。長篇雕肝出。微吟擁鼻喜。不遇或責頭。  
疾俗乃切齒。性傲懶舟旋。耳白受誓訾。工賦傳晴青。能  
文訝髯紫。未見眉上黃。時見肉生髀。鳶肩殊未能。鵠立  
差可比。君身何偃蹇。毋乃骨相使。人生期適意。富貴浮  
雲耳。濯足萬里流。意氣自所弛。我如陰子春。有足不輕  
洗。我本窮相人。分應呼庚癸。瘦詞不敢爲。緘默良有以。  
我今飽而嘻。作詩君勿鄙。譬彼勞者歌。興至聊爾爾。

詩題

念熊

竹下畫像

題詞

詩

古人畫竹如畫錢。但欲竹竿箇箇圓。古人畫竹如作書。  
錢鉤鎖。乃柳誠懸。下儀愛竹性所適。曲徑森森萬竿立。  
叢筠細篠翠欲匝。嗟余作客來吳興。故鄉迢迢雲水隔。  
案頭一幀倚竹圖。綠影依稀夢相接。我家亦有竹一畦。

年年賣筍養妻兒。前年荒鬻與人。不知籜龍屬阿誰。  
客中有錢買書去。致令好竹不得回。覽子此圖心茫然。  
盡逐湖州賣書船。積錢贖竹更買紙。作圖請題先吾子。

意次韻酬胡鏡珊

治雅

次韻酬胡鏡珊

次韻酬胡鏡珊

朝來紅日生初曉。出門凜凜冰脫髻。小艇舴艋坐碧浪。  
刺面更覺寒風尖。道場遠與市山接。波紋不起如磨鎌。  
岸旁幸有故人宅。埭溪漁隱潛夫潛。開門一笑色然喜。  
天寒戶少流螢占。門庭蕭寂名士態。斗室仍復垂重簾。  
背冷忽然衣潑水。須臾撒出空中鹽。咄嗟敕厨羅異味。  
儉嗇恒笑周人織。君本寒士學豪舉。得毋質紆開方奩。

藕頤類稿卷三 詩

五

聞君有婦善中饋。鷄鶩鴨脯親烹燂。家釀玉船藥物脩。  
時菓蜜漬中邊甜。老饕欲賦樂已甚。自言蔬儉詞何謙。  
憶昔與君走滇水。皖江開頭風雪兼。廬山遙見瀑千丈。  
洞庭湖水波漸漸。客中伴侶非夙約。自冬徂春時稽淹。  
文人啁啾沿結習。是非附會辭飛鉗。君性伉直多不合。  
惟余一語能釋嫌。君亦喜我少城府。生平不謝妄語緜。  
意氣相許心莫逆。兩人交好真慶廉。麻陽一船笑恰受。  
欸段共策顏烏黔。新篘酒熟香撲鼻。茅店亞樹懸青帘。  
有時頽倒稽叔夜。玉枝竟可倚葭蒹。當時可惜歸裝速。  
至今相憶心猶欣。昔年北遊望南土。誰知近日還南瞻。

故鄉歲月雖云好。往來寒暑如痲疥。蘊蒸犬吠凍縮頸。  
百歲皮骨撐寒炎。仙人王喬不可得。曹蜍李志徒厭厭。  
何如四時只一氣。春序不奪身舒恬。唐朝老梅今尙存。  
銅瓦古寺曾巡簷。千載寒香不見雪。夜深寫影惟孤蟾。  
簞簞萬箇誰能壓。不使到地塵土霑。江南低濕翻苦旱。  
六詔土潤無災閭。五風不愆十兩缺。朝朝冉冉朝陽暹。  
狐貉之裘大不易。袷衣不換誇襜襜。邊徼何以得天厚。  
天容長霽無深嚴。與君高論意未盡。爐中炭盡手自添。  
呵手作書君莫笑。異地再往思久淹。君如有興並轡去。  
免得七箸如排籤。

藕頤類稿卷三 詩

七

王復齋曰狀滇南景物者從來無此新穎末句收到  
七箸章法完密險韻能運以精思昌黎家法

遠游曲

朝朝跋涉勞千里。與萬里衣上故鄉塵。臨流不肯洗。

出北門作

步出城北門。斜陽下高嶺。徘徊岐路間。寒風淒以緊。昨  
日居城中。窻扃戶亦墜。逝者卽隔生。勿謂一日近。寄語  
陌上人。勞勞當自省。

將歸東謝

祖惠

君顏老可憎。得子似得鏡。與君同歲生。老態相似定。道  
逢白髮人。勞勞日奔競。撫己一自念。狂笑發歸興。螻蟻

無大嚼魚鱉食之竟迨簿笨車不惜千里命鮭菜問  
山妻頑劣教子姓墓祭雖非古自唐迄今盛早謀一坏  
士得與松楸近作客寸心苦歸家百骸剩頓令雙鬢尊  
更覺兩耳正寄語旅居人我言殊可聽

### 山居

高山如佛容對之塵慮歇徘徊寺鐘盡愛此溪邊月清  
景不成寐孤咏中宵發

徐敏槎曰昔人謂五言古詩不可著議論當言有盡  
而意無窮此王孟韋柳一派耳才有偏至不可概論  
也如老杜北征昌黎南山可謂之不工耶集中五古  
或似杜似韓偶作小詩亦入韋柳之室乃知才大者  
無不能也

### 藕頤類稿卷三

詩

七

### 藕頤類稿卷三

徐敏槎曰昔人謂五言古詩不可著議論當言有盡而意無窮此王孟韋柳一派耳才有偏至不可概論也如老杜北征昌黎南山可謂之不工耶集中五古或似杜似韓偶作小詩亦入韋柳之室乃知才大者無不能也

莫不如春燕和中宵發男象階孫光禮光禧謹校

高山如佛容對之塵慮歇徘徊寺鐘盡愛此溪邊月清

景不成寐孤咏中宵發

更覺兩耳正寄語旅居人我言殊可聽

士得與松楸近作客寸心苦歸家百骸剩頓令雙鬢尊

更覺兩耳正寄語旅居人我言殊可聽

無大嚼魚鱉食之竟迨簿笨車不惜千里命鮭菜問

藕頤類稿卷四

潛山熊寶泰善惟一字芸眉

古體詩小序

送楊宿台星耀北土

我聞軒轅造舟車不知作客何人始我乃駕車乘舟到  
滇水滇池水迢迢目則山巍巍主人賢豪客思歸同君  
歸故鄉君乃別庭闈故鄉望滇南但見白雲飛北土之  
行非所好親命不敢違少壯不努力老大徒傷悲貴及  
時以有為君行何踽踽我欲送之不得至江濟春江寒  
春水遠車輪車輪腸中轉

藕頤類稿卷四詩

春水南將軍歌

一箭留古塔九指歸睢陽吁嗟南將軍氣概不可當歸  
來城中饑欲死睢陽王將恨不已仰見背裂口無齒睢  
陽城破無一家朝朝擊鼓暮吹笳賀蘭將軍排軍衛之  
與水友人夫婦同日生贈之以詩人賀稟容思隨同臣  
樹上比翼鳥箔上同功綿水中比目魚池邊雙頭蓮物  
類既相感於人胡不然請看桃花潭同日生比肩雌雄  
較甲辰大小有戊子不聞閨中人一日同覽揆東家慶  
懸弧西家喜設帨鄰里羊酒賀兩美當作對夫君才似  
錦閨人貌如花年齊福未齊襟被走天涯與卿既同物

恩愛兩不疑。與卿非一身。安能無別離。竭來我亦同爲客。覽子新詩喜生色。祝君他日子同生。却教間史書三

絕。

酬喬檀圖

鍾沂

四十二韻

閒居少歡悰。塵鞅苦束縛。良朋久不見。言行失矩矱。爲買舴艋舟。千里款門鑰。重逢勝新知。相對樂莫樂。君本媿雅才。文章有脉絡。三年不窺園。揮毫雲烟落。九日矮屋中。試藝掩衆作。有司不肯收。不復慕人爵。里居好施予。意許無遺諾。孝友有令譽。內行更無怍。嗣君已牽絲。功名望騰踔。賢孫就外傅。岐嶷露頭角。中丞古名臣。德

藕頤類稿卷四詩

二

望重山岳。世世葉語傳。璇源應不涸。君居本爽塏。移宅更寬綽。幽人竹素園。花鳥欣有託。穿池注清流。石梁橫畧約。小亭還清幽。面面綺窻拓。天然有清景。絕不事丹堊。我來春已過。猶幸見芍藥。五侯珍庖厨。異味入羹臠。廣文與才尉。連席共酬酢。鼙鼙鼓統如。酒尊持各各。我昔本小戶。亦復大斗酌。主人雅好客。卯飲月沉閣。憶我少年時。硯席共磨琢。處處說項斯。言繁君不覺。如舍九萬鵬。而喜顧步雀。又如舍洪鐘。賞音在牛鐸。耳濡亦可聞。目染亦可學。與君交旣久。鉛刀化干莫。青春去何速。光景尙如昨。那知鬚髮衰。始踐携手約。羈人有所思。旣

樂又感觸。君家好兄弟。謂鵬村輝映稱花萼。政治追龔黃。才名凌許郭。別亦十餘年。恰值理遊屨。白門路迢迢。手挽何由握。我詩膽本豚。年衰才自弱。舊事不勝書。枯腸又難索。客中仰屋梁。三日稿乃削。仲子倘歸來。幸毋相笑噓。

次韻酬凌香洲象賢

襜被來吳興。縣齋苦拘守。癡絕如虎頭。醉甚比犀首。清遠山水佳。不遊笑孤負。寺名看鼠姑石林聽雅舅。有時倒接離。不復問誰某。舊友漁隱翁。胡鏡三狂直今罕有。昔年萬里遊。滇南共奔走。回思麻陽船。兩人笑恰受。相

藕頤類稿卷四詩

別十餘年。再見各老叟。爲言凌子才。一石得八斗。我乃與之交。果若飲醇酒。哲嗣美冠玉。君子昌厥後。諸弟皆俊才。濯濯風中柳。小郎更聰慧。經史已上口。家中有名師。博洽世寡偶。問事來長頭。作詩但叉手。所以南文間。羣材羅械櫛。與我亦莫逆。日日過吟牖。是如耕田人。扶犁得良耦。我本羈旅人。諸君待我厚。况復贈我詩。出谷風瀏瀏。我詩君勿笑。瓊瑤報瓦缶。

遊天寧寺疊前韻

石柱記吳興。魯公賢太守。搜羅最瞻博。郡志此爲首。縣齋多俊才。各各有抱負。陸弟與殷兄。何甥更謝舅。尋遊

已經年。山水記某某。更入招提境。清曠世無有。中有壁  
窠書。腕下龍蛇走。當其運思時。飛鳥相授受。迄今數百  
年。光怪驚童叟。可以泣鬼神。可以貫星斗。摩娑不忍去。  
心醉如中酒。怒猊與渴驥。奔抉季海後。請看姿致中。筋  
骨雜顏柳。魏公好書法。俗士偏多口。蘇米去已遙。間世  
生非偶。容臺雖同謚。上溯非敵手。况是宋王孫。不比九  
薪樵。卜居白蘋洲。清氣滿戶牖。娟娟數竿竹。閨中有嘉  
耦。一門盡異才。得天何太厚。遺跡古寺中。石壁光瀏瀏。  
歸來飲烏巾。仰天還拊缶。

再疊前韻

藕頤類稿卷四詩

四

歲暮少歡悰。小屋正寂守。開緘讀君書。令我拜空首。勝  
國當未造。朝廷多免負。相臣如髯鬪。戚畹似羔舅。磴生  
勢更張。戮及守臣某。潛山本彈丸。慘禍古無有。蒼頭滿  
城中。我家盡室走。蓮坳守畢訖。罵賊刃甘受。先人著奇  
烈。軼事傳遺叟。當時賊如蟻。勝於漢五斗。親貴如諸王。  
尚飲福鹿酒。道上問妻兒。大夫與留後。矧昔本單門。勢  
若刈蒲柳。

國朝崇緯楔。盛事膾人口。今年來此間。遇君亦非偶。錫  
我旌揚詩。不愧著作手。君材如榿楠。我枯若柴樵。心思  
久閉塞。討論資啟牖。從此金石交。嗟我愧劣耦。不知羈

旅人何以報瓊厚。潛山遠迢迢。茗水清瀏瀏。越吟何必然。秦聲聊擊缶。

羣齋九日彥補齋

圖

招遊園證寺三十六韻

正

嬾人如仄卧斗室。紅日高春眼正酣。剥剥啄啄驚周公。勝侶踐約遊伽藍。重陽日麗風雨散。揚船擊汰開艤滯。倚窻俯流豁心目。沿池繞出城西南。康駢劇談窮炙輶。倦更蒲戲衆所諳。博掩必勝想宣武。圍碁乞墅思羊曇。舍舟單步河埠仄。劣容一足削劍鐔。甫欣郊平縵頭毯。忽訝徑雜多劇驂。主人初解壯縣組。莎鞋桐帽何輕鬢。弁山自昔稱秀絕。雲衣冉冉飛晴嵐。門前虬枝翠欲滴。

藕頤類稿卷四詩

五

千松坐擁環雙菴。石甬松火明炯炯。鼎香吐穗紛醢醢。粥魚茶板梵唄靜。趙州例淪舌本甘。香山淺角最解事。炙具一束携筠籃。噉胥鳴刺恣噉嚼。老衲坐對如飽參。何允飲食門下議。若教薩布吾受貪。人生閻浮泡影幻。愁思自縛作繭蠶。支公閩雙波旬說。何時彌勒爲同龕。香雲貝葉意飄渺。禪房花木共搜探。籬邊尙開去年菊。秋霜漸熟三色柑。寒潭水影漾魚婢。野花香氣浮麝男。尋幽訪勝意未歇。遠峯窈窕斜陽含。急尋舊徑吹五兩。啞啞柔櫓清波涵。分曹酒戰勇氣勃。家藏美醞綠滿甌。主人興豪北海座。不速之客其人三。近來落拓百不就。

惟有中聖猶苦耽。儀狄造酒好女子。烏巾在後味濁泔。  
鼎骨異味食指動。盤飮雜果分香柑。毛炮之豚具百器。  
國腹不食人皆慙。謂陳聚從來好客皆豪士。北海至今爲

美談。座中老儒五六輩。胸中讀書四三擔。網羅才俊雙

壁人。謂丁燾石禮明堂大厦材楹枅。浙水滌洄稱文藪。作詩

可比燕無留。歸來仰屋枯腸索。自笑陋邦同宮鄰。詢之

諸君一笑粲。知余頌酒非放恣。勝地遊屨須再理。道旁

楊柳綠穉穉。坐愁拂鬱胡爲乎。樹猶如此人何堪。

愛賦題楊竹堂。大鵬湘帆吟卽次其題壁韻。

楊君蕩澹人。詩筆稱妙絕。得句勝得官。一麾非所悅。長

蕙頤類稿卷四 詩

吟歸田園。瞻博驚詞客。興來汗漫遊。湘江連夜發。月黑

愛湖光。小艇君山泊。詩囊氣似珠。顆顆皆明月。寄我湘

帆吟。使我塵慮歇。嗟我苦相思。不得見顏色。君本老詩

人。我亦鬢初白。何時欵君扉。相與樂晨夕。詩源涇渭分。

詩品貴賤別。天寒且語冰。莫向夏虫說。

登人醉歌行留別賈樓村。檀

賈生向我忽大笑。十年相與稱同調。賈生向我發長喟。

五十無兒心不遂。我謂賈生笑。喟皆失儀。古人憂喜不

形色。何乃軒渠鼓掌。又復攢雙眉。喜者吾甚愧。憂者疑

勿疑。聞君有小婦。提月當生兒。高堂健飯能舍館。隨着

四婆裙子後用宋人句文祿擁樹看豐頤故鄉二千里長鬚

那得報及時我今欲向南中馳窗外北風吼如虎乃欲

呵手搖鞭絲中年猶能作壯色惟有頭童齒禿難別離

欲別未別情更惡不如相對傾酒卮醉後我乃發竒想

曾聞異事傳疇曩唐朝名士白姓居易名欲爲玉溪之

子祈來生我亦不惜此無用之軀隨物化又恐白老不

慧遭君罵君昔數我過謂我日科頭朝宴起不能爲文

章又不喜苛禮哦詩自云佳大醉罵伴侶窮愁倔強老

不止凡我之過君亦有君乃自恕責其友若教罵子更

難說得毋玉川欲打九十九世上荒唐那有此輪迴之

藕頭類稿卷四詩

七

說儒者鄙况我未死君難待不如留作老友博君長色

喜玉虫吐花芻尼噪靈氛卜之信將到願君作書寄我

秦淮水之涓使我折書心顏怡不然我心常念之趙孝

吳胥石曰竒情異趣筆力則直追唱黎所謂游戲于斯文者耶

輓朱凝台霞四十六韻

昔年客申江性傲多酒失君年長於余偶見必呵叱酒

狂笑君懦善好惡嘗疾如風朱伯厚此意君應述不肯

折幔幃愛我乃更密或擬雲隨籠或謂膠與漆相離三

十年未得通書札昨秋欣執手相顧改髻髮劇談笑見

翎窳邑留十日故人零落盡屈指化異物惟我與君存

歲月那可必。君時已疾作。八年著勞蹟。今秋請解組。書  
來意閒適。去官如决癰。輕快那可說。前日我視疾。猶能  
語刺刺。形敗神逾清。生死已洞澈。豪俠有章沈。古意藏  
肝鬲。私爲製黃腸。狸首斑歷歷。我歸一月間。書信煩郵  
駟。連宵寐匪貞。曉起烏鳴鵬。長須走書來。乞身已解脫。  
門生襍被歸。攫金如盜竊。誰如穎士奴。愛才真似渴。十  
旬不解衣。久見面深黑。切切小婦啼。華山難獨活。嗟君  
乃無子。善人懼此厄。或云天無知。煩言且嘖嘖。吾謂殊  
不然。氣數有盈缺。伯道如有兒。常理名易忽。能使人  
人知。大得無兒力。拙哉舐犢人。譽兒乃成癖。辨之不早辨。

藕頤類稿卷四詩

八

垂戒在周易。厚慈薄於孝。儒行出一轍。不觀宋胡寅。盆  
魚跳勃勃。長大稱名儒。不肯持父服。乃知望子人。意不  
在貽厥。胸中慈意多。未發故鬱鬱。螺蠹最有智。銜泥入  
墻穴。類我亦復佳。何必自我出生兒。不類我對蟲。反慚  
惡。况君有惠政。甘棠勿剪伐。君家有畜夫。循良君與埒。  
奉嘗在桐鄉。至今尙未絕。我言非太狂。聊以寫胸臆。老  
來醉未休。誰爲捫吾舌。吁嗟良友亡。終身長放逸。

方芝稼曰奇解處却又平易聞其議論令人三日耳

輓武虛谷億兼柬趙渭川希璜八十四韻

宵寒蒙被眠。夢與渭川遇。相與哭虛谷。覺後窻已曙。起

來書函至。哭友有新句。五言本長城。使我偏師懼。言短情更長。可當傷友賦。虛谷本異才。昨冬忽枉顧。蕭蕭俱華顛。相見亦何暮。岸巾共談嘍。真摯見肺附。紈如打五鼓。猶復語絮絮。連鑣出游衍。任山散晴霧。古蹟探竒怪。殘碑輒起仆。再成足尋遊。崇椒石交互。有時臨絕險。不覺兩足聚。顧我啞啞笑。謂我似老嫗。其行如飛猴。峯隙露魁梧。劣容一足間。曲折隨所赴。飲啖本兼人。尤喜食寒具。冬日亦飲水。鹽豉懶下箸。襟懷最瀟灑。酒酣圭角露。爲言官博山。忽有邏卒踞。假以荒闕名。縣縣迎都護。憑藉要人威。公然索賄賂。我生本倔強。善善惡尤惡。予

藕頤類稿卷四詩

九

杖更荷校。刑人驚失措。百姓來環觀。歡聲動叟孺。邏卒負痛歸。膚受巧言訴。要人切齒恨。大吏落胆怖。早聞彈章上。夕乃解組去。自少無宦情。放誕所忻慕。昔爲韞上鷹。今爲波上鷺。故紙亦鑽研。老作書中蠹。舊史有評論。九經皆訓誥。小石雖有文。絕不肯諛墓。近來賢有司。文字肯見付。地志與山經。集古共攷据。所得橐中金。負春役受雇。別我往鄧州。雙丸轉烏兔。泉明賦停雲。杜陵思舊雨。欲學平原繡。欲彷彿仙鑄。客去神情留。鬢眉宛如晤。有時聲在空。有時默如塑。下筆如有物。經史供委輸。置之廟堂上。金鐘與大輅。良驥絆其足。飛鴻鍛其羽。誰

知萬里鯁。乃爲涸轍。緜長袖笑接木。邯鄲慚躡步。不棄  
樗櫟賤。謬托金石固。今夏有書來。深情託毫素。積鬱復  
多感。二豎敢窺覷。胸中痞悶成。服藥已漸除。開緘反覆  
觀。寸心殊猶豫。我思瀟灑人。其鬱多竒趣。不比噉名士。  
日夕急稱譽。不比齷齪胸。利欲能蔽鋼。許我秋未來。可  
以問其故。寓書往復催。朝夕煩驛遽。車音杳不聞。美人  
在何處。忽傳凶問來。舌橋復口吐。如銜萬丈闕。如食三  
斗醋。不似孟郊柴。乃似張蒼瓠。何以不永年。得毋神鬼  
妬。天上墜少微。龍門失砥柱。君昔不佞佛。或是鴿王怒。  
君昔不好仙。或是三彭詛。仙佛皆荒唐。顏蹠有定數。請

藕頭類稿卷四詩

君看山阿聖。賢莫能度。况有等身書。文苑名自著。嗟我  
老病侵。南歸期屢誤。春蠶自縛繭。飛鳥忽在笱。惟思良  
友來。可以伸積愆。老年經學荒。願得他山助。如瞽失其  
槌。俛俛自行路。旣未酌酒卮。又乏兼金贖。哦詩尙未成。  
枯腸自慙懣。渭川更寄書。異事當宣布。音齊不問美人  
天子詔武君。煌煌下音齊不問美人  
溫諭。想是夾袋薦。或夢築版傅。其身如未死。功業可建  
樹。不惟被蒼生。且以光門祚。近年士氣伸。茹古盡能吐。  
若謂通濟才。疇能識時務。吁嗟泉下人。胷中有武庫。不  
幸非一身。制淚淚如注。作書答渭川。此意自能悟。

張雪鴻曰敘事有老杜北征筆意昔人論詩謂不可  
太盡吾謂是筆力短耳  
虛谷死偶得其鬻多奇趣句衍成此篇自記

大醉書盧仝月蝕詩後

海。乃。天。之。物。腹。隔。人。一。皮。可。度。量。切。循。而。得。之。腹。中。有。  
虫。人。不。覺。乃。知。海。中。有。怪。天。不。知。天。雖。不。知。天。能。治。海。  
不。揚。波。萬。怪。伏。不。似。人。之。治。虫。惟。請。醫。道。逢。老。醫。牙。無。  
齧。虫。之。食。醫。如。食。人。三。才。中。人。何。足。論。唐。朝。元。和。中。月。  
有。食。之。乃。是。蝦。蟇。虫。下。界。蟣。虱。臣。全。頓。首。涕。泗。零。天。能。  
治。海。乃。使。小。虫。食。月。虧。月。明。月。中。有。兔。與。蟾。蜍。走。避。何。  
處。不。與。蝦。蟇。爭。輸。贏。我。今。大。醉。心。豁。然。天。公。治。虫。如。治。  
田。去。其。載。賊。良。苗。鮮。君。不。見。炊。一。斗。米。許。光。復。圓。

藕頤類稿卷四詩

十一

名書溫庭筠傳後

鄰。鋪。請。假。手。八。吟。推。飛。卿。一。朝。謹。廉。視。因。之。謫。方。城。徐。  
商。旣。罷。相。坎。珂。終。此。生。吁。嗟。乎。汝。曾。不。讀。書。坐。悞。人。功。  
名。爲。效。萬。金。對。不。知。人。之。欲。重。辭。請。辭。散。去。留。天。無。

出入遣嫁詩送四女五斗八韻

天。無。不。成。天。不。成。

擇。婦。世。所。難。擇。婿。心。更。苦。愛。女。勝。愛。兒。愛。婿。復。勝。女。憶。  
我。就。婚。時。吳。趨。行。踴。踴。舍。舟。坐。笳。輿。十。日。困。行。旅。初。至。  
崇。讓。宅。宅。大。皖。江。游。不。見。冰。清。樂。徒。有。乘。騎。庾。妻。兄。事。  
遠。游。阿。嫂。持。門。戶。食。後。噉。楫。榔。朝。夕。盛。盤。俎。生。兒。已。周。

醉乃得歸故宇。慈親潔白養。灶婢共炊煮。那得夜讀書。  
秋燈獨機杼。閨中識梁鴻。鄉里輕孫楚。天涯汗漫游。歸  
來暫相處。荀氏重頭龍。賈家思季虎。徐卿第三雛。望如  
旱望雨。姊妹如連珠。兄弟乏腰鼓。已見三女粲。耳耳非  
佳語。記得生汝時。鄉俗勸勿舉。劉湛載南史。此事傳自  
古。父母更憐惜。朝夕相摩撫。嘗聞五女家。缺一尙思補。  
回首二十年。白髮生縷縷。舊事在目前。何爲遽如許。翩  
翩佳婿來。相見喜欲舞。舉蒙詩最好。言詩更起予。近來  
多新論。讀詩厭李杜。是如蝸角蠻。不肯服鄒魯。又如舍  
元酒。乃欲飽肥豸。酌尙尙纖巧。過奇反塵土。不從性靈

藕頤類稿卷四 詩

三

出。神奇皆臭腐。或如題女障。或如點鬼簿。胸中國子監。  
不知有幾部。別裁非關學。此課自嚴羽。長卿無一句。已  
自相誇詡。只欲去陳言。不懼徇規矩。爵尊意乃肆。蓬蒿  
諫恐侮。風雅遂見推。詩派稱律祖。燒汞求神仙。樵風迷  
處所。點筆勤圖畫。傳神失阿堵。此言非無稽。歸試問名  
妓。汝子但治內。才華非所取。閨中讀家訓。不妨紇字阻。  
汝母昔作詩。新詞傳樂府。詩名折官爵。才齊福不與。男  
兒尙如此。况是裙釵侶。家在潛山旁。惟恐飲天柱。尋醫  
乃習士。深藏是良賈。且恨鈔詩人。多與方外伍。拉雜摧  
燒之一字。不肯吐。偶對兔園冊。熟視若無睹。汝本未讀

書不必問訓詁。治內既有法事。上亦有序。但得祖姑憐翁姑。自憐汝。先後長相隨。小姑日歡聚。女終婦。乃始努力。自撐拄。女歸別父母。婿歸見父母。人生當此時。歡悰雜離緒。此詩勿示人。紛紛議狂瞽。別筵且謀醉。一杯養生主。

徐端臣曰。女歸別父母。婿歸見父母。似古樂府歡悰離緒。古今送婿人皆有此意。却無人道得出。真絕作也。

生女耳。句耳。非佳語耳。耳連用。誤自東坡始。自記。

華嚴庵集飲東張雪鴻敬

老年傲居苦寥寂。雨中龍戰夜更酣。四旬方見簷溜歇。

濕雲忽散天拖藍。莫愁湖水半里近。湖光如鏡山排簪。

藕頤類稿卷四詩

三

魯酒可分大小戶。携壺共訪華嚴庵。殷兄陸弟徧招致。茜裙蠟屐咸來探。麗眉慘綠衣舉舉。一時名士皆劉惔。我時牙痛連臄車。飲酒不過蕉葉三。座中蔡子元春年。

最長。霜鬢白髮垂。穆穆背如戚。施不能仰。猶復隔座驚。

雄談。談詩侃侃有正論。毋許風雅參瞿曇。近來作詩多。

邪說。康莊那許紛劇驂。李子工力乃勅敵。畫一好比。

何與參。新詞聞說學白石。才名久已傳東南。白石仙人。

新賜號。鴿王猶怒。况老聃我亦有詞。未敢出韓非。同傳。

彌勒龕。陳子德富張子遇軒才俱美。杞梓松柏榲楠。

壯年致身通顯易。早達勿輸崖蜜甘。老年放棄雖云樂。

竊笑乾死書中蟬。當時未免羞倚市。一慚不忍終身慙。  
何如修刺要津去。細字一行如眠蠶。大言啁喝衆所畏。  
禪鑽格伎尤所耽。仰首巍巍碑歿字。盛名咄咄書空函。  
軒渠抵掌語未畢。窗外冉冉斜陽含。燭未見跋城將鎖。  
雙槩急打清波涵。城中老友雪鴻在。吾當買酒盈花甌。  
天晴勝地許再至。病愈轟飲吾猶堪。

方芝稼曰昔人謂東坡詩字字從華嚴來集中亦時引梵夾此詩殆有所爲而發耶

輓張雪鴻敬

張君與我交三十年。猶記其初余年蓋二十餘。君亦壯  
盛之年。肥白如蒼瓠。茗飲趺突泉。泛舟大明湖。君能作

藕頤類稿卷四詩

十四

畫能作書能飲百觚。座上美人嬌不梳。君能度曲老伶  
驚不如。唱大江東去。湖水倒流雲不敢展舒。嬌喉婉轉  
倚笛和。笛聲吹破櫻桃朱。君仲兄亦山東。儒文筆驚俗  
氣象殊。我時吟詩撚無鬚。詩成燕石誇珣瑜。別十餘年  
至庚子歲。我來白下省試叩君廬。謁君尊摠衣趨隅。老  
八年八十矣。有杖不肯扶。是嘗爲循吏。傲長官而罹辜。  
少年謁年將軍。將軍竒其狀。貌下階趨。有是父。所以有  
是子。歟。而君之伯兄。更竒絕。萍鄉歸來貧無車。作書直  
逼魏。與晉人得片紙。如璫璣。酒酣大聲呼。移床遠客毋  
我汗。時君仲已死。相嗟吁。得君房州消息。何必通雙魚。

再來訪君。君家居。張籍時名解他籍。坐是去官歸故墟。盡山水之遊爲經籍娛。大隱園水雲樓。花徑多盤紆。名花四照城西郭。意所不適發于竹。老可十詠題畫厨。醉後畫石用蔗滓。醒來自謂眉山蘇。及身厲筆盈通衢。君每見之笑其愚。鷄林南夷皆知名。如詩家之白香山。梅聖俞。我近移家同城住。與君不合惟擣菹。笑君牧豬奴。君亦笑我不識齒。名何其迂。偶一爲之必大敗。蒲籜計筭尤糲糊。前年搖鞭中州去。君來送我逼歲除。我行三日換桃符。念君稅服不得飲。酒吹笙竽得毋枯。坐兀兀思征夫。今年歸來陸路困行旅。十日閉戶不能過比閭。作書招我君忽病。坐床絮絮色甚腴。髯醫火篋非冰壺。遂令二豎來覬覦。人生盜得天地五行氣。造化小兒來索如。索逋城北老友惟芝稼。聞之老淚簌簌如拋珠。病足不能起。作書乃寄余。不能撫棺長號心如荼。君有三子。伯嗣。伯仲。嗣仲。惟有季也。稱其孤。皆有美才瓊瑤琚。君子有後信不誣。君可含笑歸太虛。我向芝稼說速將。塵累祛。人生歲月不可必。坐愁拂鬱胡爲乎。

賈約園日起句一筆提起千鈞之力音節自古樂府  
出通體排募而章法井然不愧巨手

張雪鴻 啟 山水幅子爲方厚堂 惟寅 作

山水自有神無心乃可得。山意欲濕水意空。張君畫筆

稱奇絕。畫家之法通六書。象形惟肖神與俱。雪鴻自勿  
擅花鳥。惟有山水不輕圖。獨見此幅最蒼潤。堂上懸之  
重如璫與瓊。方君名公孫。閉門究皇墳。近時學醫術。剥  
剥啄啄來打門。襟懷最瀟灑。貌古學益醇。雪鴻之意吾  
能知。花鳥游戲耳。一邱一壑惟君宜。與君亦老友。終日  
對畫長相思。相思損精神。不如倒金卮。一杯一杯對飲  
我大醉。醉後乃甚不喜君之所爲。君行毋乃非。今人多  
詐僞。天欲災之。君與違善人多。窮愁君益其年。窮何時  
休。活人不如活己好。君顏雖朱年漸老。昨日病目看畫  
不了了。人生百年能幾時。願君采藥並采芝。攝山太近

藕頤類稿卷四 詩

六

可以勿去。何不西登崆峒與峨眉。煮白石。啖松樹脂。  
尋見仙人韓終與之相遊嬉。真山真水境更奇。百成八  
十一萬年樂無涯。此不可緩勿以我言爲狂而忽之。張  
君畫筆有仙趣。此幅勸君亦復持以去。

謹

以贈之

家晴欄曰奇情以游戲出之東坡云退之仙人也請

許

厚堂屬題畫久未應一日病目至信手成此晴欄以  
昌黎許之未免阿其兄矣自記

陳源苦旱詩

聾耳不聞飄瓦響。此聲久廢勞夢想。耳雖苦聾目不眩。  
兩月雨絲絕不見。今年二月火氣揚。火烏飛飛啄屋梁。  
縣齋不戒禍先作。五月六月苦旱虐。天公偏愛赤龍子。

五千餘年精不死。虹紉霞車爍千里。乖龍聞之喜。匿在古木中。或入人家簷。楹裏寧割左耳。鞭不起。雷神無處尋。亦使阿香停車音。紅雲自東家。冉冉無破碎。中有老赤龍。掉尾於其內。炎官火織張。赤日曝鰲背。熱風吹人更苦惱。乾土拔木如拔草。或言繁露求雨驗。急檢董子行未便。又聞京師亦祈雨。大官已減

堯厨膳。至誠自能感上蒼。行見兩足田禾賤。笑我六十餘。前春始買田。不虞刈稻了。脫手棄與人。買田可憂賣田喜。昨歲長鬚有信來。金陵腴田盡沒水。今年想亦更苦旱。老年有田那堪此。有田憂旱出於私。老人攢眉天

藕頤類稿卷四 詩

鑒之。

任登彥 有旱問詩二律。廣其意成五言古詩一首。

覃懷三月來。一雨餘濛濛。太行雲不興。沁河流不通。堦前疑浙浙。却是飄梧桐。但見日月光。朝夕穿窻墉。日閃閃。爍爍月朦朦。朧朧田禾日枯槁。天忍民瘼痲。箱空那得滿。曰仰不得春。若少一升粟。那得飽蓬蓬。我欲因白雀。上問張天翁。白雀是上卿。於翁頗有功。我欲割左耳。華陽尋乖龍。我欲鞭阿香。使車音隆隆。王公不投壺。霏霏笑電空。昨夕夕陽間。竟天懸雲虹。誰能看美人。老眼雲霧封。小兒或指之。青絳失麴容。我今來懷州。非吏亦

非農癡兒遠迎養。免母之尸饗。餼粥可無缺。憂早還。

仲往來有三人田。

謂惺園

任饒才鋒。性復喜施。予有古達

士風。但恐歲不登。親暱難辨。曠一日惠不至。翻令怨恨

叢。富果不如貧。斯言如晨鐘。君房

謂約園

古循吏。解組稱

踈慵。近日在喪次。其憂殊不同。無母失所恃。無穀祭不

供。况居五月廬。敢謂昵無豐。太守

謂張牧村

有賢聲。講禮稱

儒宗。使我禱以文。謬謂其詞工。上帝見此詞。必有風雨

從。三日仍未雨。日赤高霞紅。衆喞我獨樂。其樂也融融。

唐時召李賀。斗米炊時終。賀年二十七。少年心血克。嗟

我腸已枯蕪。詞惱天公他。時樓重修必不召。龍鍾從此

藕頓類稿卷四詩

六

在人間。人壽比喬松。或人乃斬我公之等。喁喁何知長

者。道天意在省躬。言乃更頽放。天怒汝不恭。天意欲禍

子。如蟣虱蠅螭。歸來縮首卧。怖甚布被蒙。方趨疊床上。

汗出毛孔中。朝來焚筆硯。不復矜雕玉。

賊鶴泉曰我欲因白雀一段奇怪似昌黎却是問字正面尤見才力

次韻答馬兩耕

春田

開緘清風生。習習吹蘭芷。俊逸好詩句。頗得正始體。書

蹤逼永興。腕有羲之鬼。相逢哦詩人。大半多委靡。得此

獨麟角。碌碌輕餘子。君本老詩人。才名重杞梓。我幼好

吟咏。所惡成瘡痂。既患許承龔。更苦秦王痔。多病謝人

事遁跡在陸海。感君念故人。慮我顏色改。少時已僂僂。

近來真似乃。白門矮屋言。每憶輒流涕。戊申塲屋相遇。謂余似先君。但

面小先人似文莊。乾隆壬申先君蒙召見。上諭像梁詩正。退時復論

背影兒更像。我愧容貌偏。查梨古有云。那可相比擬。與君別

多年。迨迨望皖水。豈不念家園。却愁河瀾瀾。秋冬腰脚

健。薄策載行李。問經向馬融。藤杖相醉倚。支价屏曰。次韻能一意到底。不為韻縛。玉局長技。

正錄又

閒居仍讀書。寸進如上垓。發函喜故人。老去詩力在。何

年訪幽廬。茶香試龍焙。

藕頤類稿卷四 詩

九

五雜俎

五雜俎。步障。絲。往復還。合。卷。厄。不得已。太常妻。

五雜俎。染絲手。往復還。扶犁。叟。不得已。飲濁酒。

五雜俎。繡羅襦。往復還。道上車。不得已。捋髭鬚。

五雜俎。抱花蝶。往復還。循廊。屨。不得已。賣宅帖。

五雜俎。機上絲。往復還。門下醫。不得已。請巫師。

五雜俎。青驄騎。往復還。青鸞使。不得已。作贅婿。

五雜俎。白打塲。往復還。黑甜鄉。不得已。賦高唐。

五雜俎。穿花蝶。往復還。隔日瘧。不得已。抱佛脚。

暑退向夕涼。月出衆山喜。竹栢有清陰。秋容忽在水。遠書殊未荅。常懷務成子。

崇尺遺日月出衆山喜寫出靜夜之神秋容忽在水夜深月照池耳全以意勝得此法學韋柳乃不龔空調

題武虛谷 億 摹石遺像

金鄉縣石室中石像三十二人不署名內有一

像絕似虛谷仁和黃小松 易見而異之摹贈虛

谷題咏極多虛谷歿後小谷 穆淳 持來索題得

五言四十二韻

今人喜畫像。汲汲後世傳。那有今世像。先畫千餘年。金

藕頤類稿卷四 詩

三

鄉有石室。圖畫皆古賢。相貌各奇古。漢朝朱鮪鑄。武陵黃郡丞。游戲石室間。縱目適然驚。駐足不敢前。吾友武徵君。望之何儼然。近前摩挲之。貌似神復完。問之如欲答。日暮猶流連。詰朝命工摹。馳書走長箋。千里到偃師。琢剥武家門。徵君發書喜。家人咸來觀。家有鏡新磨。取來較媼妍。不意古畫手。乃能傳我神。報書謝郡丞。遠道何綿綿。正欲圖小影。免付畫工錢。我聞武梁祠。亦有石像存。此若出梁祠。或是同姓親。遥遥胄不同。此事難並論。伯玉似夫子。宋書自序云。聖容雖傳。會流傳已久。沿嘗謂伯玉像成于未生先以之方徵君此事差近焉然

非伯玉儁擬人。又失倫。君昔不佞佛。君昔不好仙。幸勿  
言化形。幸勿言前身。君本窮漢學。事事求根源。是爲五  
經笥。五經何紛綸。經學不時有。造物生亦艱。何以先有  
此疑之。不能眠。久之得其解。此解真妙詮。畫像亦有意。  
闕名亦有因。當時信筆寫。今乃有其人。可惜徵君歿。未  
會聞此言。小谷携此像。對之淚潸潸。我乃三日交。交比  
金石堅。范金鑄長江。買絲繡平原。楊宣圖人龍。劉筠肖  
義山大年。晉卿拜坡像。山谷懸我欲摹一幀。置之座右  
邊。長見老成人。勝于對虎賁。索然忽自笑。秋風吹華巔。

賈約園曰詩筆奇古極矣詩之古在于意在于氣虛  
谷固傳人得此詩愈傳矣石室像則有武梁祠畫像

先成則有沈伯玉乃知詩人非讀書破萬卷難于下  
筆也

輓方芝稼 裕會

海峰先生甥。文筆似其舅。少年逢南塘。又經其指授。中  
年仕滇南。將軍者福公。喜其才清妙。或謂此耳聾。他人  
得吾言。此獨得吾意。重聽夫何傷。與許丞不異。其時羽  
書多。呼君至馬前。大聲恐人聞。卒爾笑不言。使之爲巡  
官。茵憑日相接。將軍有時怒。賴君一緩頰。君性最謹厚。  
不肯妄交人。閒時手一編。官况日以貧。行年至六十一。  
令不可得。襍被歸故鄉。仍住青溪宅。家不戒于火。焚去  
盡圖籍。君亦不介意。歌聲出金石。望江檀草堂。移居近

秦淮客中不寂寞。因君時往來。雪鴻在城南。與君亦手  
友。興來圖畫成。題詩一二首。兩君轉瞬去。君皆哭之慟。  
舊居近夾巷。朝夕與我共。生平無他腸。相交殊恨晚。君  
又無定居。所遷亦不遠。昨歲來中州。執手不肯別。其時  
君臥床。共惜兩首白。相思老更濃。判年函問至。舊交已  
零落。新交又捐棄。他日歸南中。宿草增涕淚。近時少年  
人。大半荒于嬉。不識有海峯。君名更可知。古人亦有言。  
不可啖如餅。羨君歸太虛。萬象皆空境。魏風大

題錢石帆

復初

號國夫人上馬岳

蛾眉淡掃新承寵。百花照映香雲擁。馬蹄得得驕不嘶。

藕頤類稿卷四詩

三

知他。不似肥環重。

寄吳雲樵

之子何姸雅。才名驚海內。讀書小萬卷。騎馬大三昧。何

日讀君詩。麻姑爲抓背。

月重輪行

明月映天照臨萬里美。哉何娟娟迢迢與美人。纏綿花

交洞房。水周曲堂。容儀永隔。何可相忘。

賈約園曰古秀在魏文詩之上

藕頤類稿卷四

男象階孫光禮光禧謹校

一九一一年查覓



書名			
版別	冊數	✓	紙
定價	6.00		✓
編目	字第	17	号

北京市中国書店定價簽

